

靖安縣志卷之十四

藝文志^三

五言古詩

唐

江南曲

劉脊虛

美人何蕩漾湖上清風長玉手欲有贈徘徊雙明璫歌聲隨
綠水怨色起青陽日暮還家望雲波橫洞房

九日送人

劉脊虛

海上正搖落客中還別離同舟去未已遠送新相知流水意
何極滿尊徒爾爲從來菊花節早已醉東籬

靖安縣志

卷之十四

藝文

一

暮秋揚子江寄孟浩然

劉脊虛

木葉紛紛下東南日煙霜林山相晚暮天海空青蒼暝色況
復久秋聲亦何長孤舟兼微月獨夜仍越鄉寒篴對京口故
人在襄陽詠思勞今夕江漢遙相望

潯陽陶氏別業

劉脊虛

陶家習先隱種柳長江邊朝夕潯陽郭白衣來幾年霽雲明
孤嶺秋水澄寒天物象自清曠野情何綿聯蕭蕭邱中賞明
宰非徒然願守黍稷稅歸耕東山田

登廬山峯頂寺

劉脊虛

孤峯臨萬象秋氣何高清天際南郡出林端西江明山門二

緇叟振錫聞幽聲心照有無界業懸前後生雖知真機靜尙
與愛網并方首金門路未遑參道情

尋東溪還湖中作

劉脊虛

出山更回首日暮清溪深東嶺新別處數猿叫空林昔遊有
初迹此路還獨尋幽興方在往歸懷復爲今雲峯勞前意湖
水成遠心望望已超越坐鳴舟中琴

送韓平兼寄郭微

劉脊虛

上客夜相過小童能酤酒卽爲臨水處正值歸雁後前路望
鄉山近家見門柳到時春未暮風景自應有余憶東州人經
年別來久殷勤爲傳語日夕念攜手兼問前寄書書中復達

靖安縣志

卷之十四

藝文

二

否

寄閻防

劉脊虛

青冥南山口君與緇錫隣深路入古寺亂花隨暮春紛紛對
寂寞徃徃落衣巾松色空照水經聲時有人晚心復南望山
遠情獨親應以修往業亦惟立此身深林度空夜煙月資清
眞莫嘆文明日彌年徒隱淪

海上詩送薛文學歸東海

劉脊虛

何處歸且遠送君東悠悠滄溟千萬里日夜一孤舟曠望絕
國所微茫天際愁有時近仙境不定若夢遊或見青色古孤
山百里秋前心方杳渺後路勞夷猶離別惜吾道風波敢遑

休春浮花氣遠思逐海水流日暮驪歌後永懷空滄洲

越中問海客

劉脊虛

風雨滄洲暮一帆今始歸白云發南海萬里速如飛初謂落
何處永將無所依冥茫漸西見山色越中微誰念去時遠人
經此路稀泊舟悲且急使我亦霑衣浮海焉用記憶鄉難久
違縱爲魯連子山路有柴扉

宋

遊雙溪

知洪州曾鞏南豐人

橫江捨舟楫對面見青山行盡車馬塵豁見山水寰地勢芳
以潔崖聲落潺潺雖爲千家縣正在清華間風標凜人心世

靖安縣志

卷之十四

藝文

三

慮自可刪況無訴訟囂得有觴咏閒嘗疑此中吏白首豈思
還人情貴公卿煌煌就玉班光華雖一時憂悸或滿顏雞鳴
正爭馳驥騮振鑣鑲豈如此中吏日高未開關一不謹行操
聲名列妖奸豈如此中吏一官老無瘵悖悖謀謨消汨汨氣
象孱豈如此中吏明心懾強頑況云此中居一亭衆峯環崖
泉夢猶聞谷繡坐可攀倚天巉巖姿青蒼露瀾瀾對之精神
怡可謝世網艱人世慕虛榮斂收意常慳誠思此憂瘡自應
喜幽營

寄題呂延年釣亭

僉書樞密張叔夜廣永人

豫章富人物歷數煩僂指先生釣璜孫盛德邈相似却顧洪

徐輩瑣瑣詎足紀修竹照清漪邂逅聊復爾吾君邁周文未
省獵渭水矧此江之湄相距數千里會遇倘有時必爲蒼生
起

雨後卽事

舒邦佐

昨日雨不歇薄晚雲未收更闌望天宇雲淨月如鈎曉開讀
書牕日光潑雙眸蔬食羹一盃起旁吾廬遊一洗塵土盆水
竹清更幽問花無恙否低面含嬌羞驗筍長幾何突角凌羊
牛前日移新荷常恐水蓋頭池邊報平安小葉三四浮竹林
叫鈎轉柳陰鳴栗留趁晴欲雙飛更著喚婦鳩物適吾亦適
投筇思悠悠却歸堂上坐蒼頭獻茶甌兒聲清且美讀書如
瀉油靜裏無聲樂閒中不繫舟不知腰金公曾識此樂不我
生微官縛有如冠沐猴常恐舍此去永愧池上鷗

靖安縣志

卷之十四

藝文

四

讀退之傳

舒邦佐

退之二十八三上宰相書晚折王廷湊罵佛戒鱷魚少時及
壯時君試觀何如士養要如此含抱凌太虛

歲暮用洪龜父韻

舒邦佐

兩鬢點秋霜黑白相交互倒指數行年如日斜歲暮始汗千
佛經頗歎儒冠誤夜聲喧爆竹曉炬驚鷓樹又是一年新三
百六十度

送簡賀州

舒邦佐

人生五馬貴畫戟擁朱輪朱輪亦細事舒卷方在身官至二千石此手當活人請將胸中書散作五嶺春

贈劉君實

釋善權

井以甘自竭象以齒故殘斧斤寇山林畢弋害孔鸞折軀縮簪紱與世同憂患當時寵若驚知不如愚安劉子真穎脫麻衣陋儒冠平生五車書僅能濟饑寒興言屬魚鳥永結林嶺歡宅心萬物初微吟寄毫端披烟弄明月攬鏡須澄瀾上無王賦憂下有澗谷盤支離耽自沈志得氣自完政恐不免耳事定期蓋棺

仁老湖上墨梅

釋善權

靖安縣志

卷之十四

藝文

五

會稽有佳客邁軸媚考槃軒裳不能榮老褐圍歲寒婆娑弄泉月松風寄絲彈若人天機深萬象回筆端湖山入道眼島樹縈微瀾幻出隴首春踈枝綴冰紈初疑晴香度似有危露溥縱觀煙雨姿已覺齒頰酸乃知淡墨妙不受膠粉殘爲君秉孤芳長年配崇蘭

山中秋夜懷王性之

釋善權

風雨一葉秋北牕夜初永候蟲鳴空階蝙蝠挂藻井龕燈照癡坐苔壁印孤影試觀鼻端白羸了虛幻境萬事皆浮休百年改俄頃學詩寒山子造語少機警故人王文度襟韻獨秀整間蒙吐佳句惠好灼衰冷何當翳華芝飛步越林嶺攜手

剝荆薪歡言饌湯餅長嘯凌紫烟同升妙峯頂

洪井

釋善權

水發香城原渡澗隨曲折犇流兩岸腹洶涌雙石闕怒翻銀
漢浪冷下太古雪跳波落丹井勢盡聲自歇散漫歸平川與
世濯煩熱飛梁瞰虛碧洞視竦毛髮連峯翳層陰老木森羽
節洪厓古仙子鍊秀擣殘月丹成已蟬蛻藥白見遺烈我亦
辭道山浮杯愛清絕攀松一舒嘯靈風披林樾尙想騎雪精
重來飲芳潔

十二月十六日發雙林登塔頭至寶峯寺重繪出庵主

讀善財徧參五十三頌兼簡堂頭

釋德洪 覺範

靖安縣志

卷之十四

藝文

六

十年懷石門今日石門去雙林動曦光跋河開宿霧力微藉
古藤泥軟脫芒履風泉白雲壑夜雨青松路我生百事廢齒
髮行衰暮但餘愛山心不遂拈花故此山甲天下自昔家吾
祖峯如青蓮華千葉曉方吐煙雲浮香色清涼洗肺腑異哉
萬木間白塔巋然古此老無恙時超放殊媚嫵萬象供談笑
大千爲戲具我昔從之遊絕塵追逸步誰云今日亡塔開全
體露永懷憑妙觀此意竟淒楚那知深林間聊與故人遇電
眸霹靂舌咳唾成妙語筆端撼江海千偈浩奔注人間有此
客自可忘百慮堂頭百衲師巍巍法王輔君看說禪口未肯
讓前武夜闌對昏燈豪邁激頑魯相逢俱偶然此生眞逆旅

何當各努力業以共騎虎詩成對軒渠一笑小千古
元

禦寇紀事

塗淵

亂寇混天地以北復以南負恃山險隅橫毒肆狼貪壞斯民
田業汙斯民女男焚斯民廬舍迫斯民苦艱我民用大棘我
民受大難

哀民患孔棘哀民患孔殫哀民心孔傷哀民骨孔剝奉天威
之揚望天命之將天命悲弗康天心悲弗臧迺合羣公議迺
舉義師強

迺申復迺令迺敦復迺詳誓速斷賊吭銜誓淚浪浪一戰城

靖安縣志

卷之十四

藝文

七

北陰再戰城東陽金鼓聲田田武夫容洸洸賊兵四面來衆
士各舉鎗黃雲推木牛破陣如電光破陣擒賊主生挾歸戎
行皇師不整旅下民効愚強臣淵昧死拜主德浩無疆
賊兵復大聚凶橫勢更揚闔圍邊四塞震天來四方黃雲氣
力盡勇士生乃成淵出請救援大兵苦奔忙旋聞未數日邑
中愈倉皇舒君憤執死胡君憤敗亡搶地復號天天心何忍
傷

民患猶未除民氣猶未回民命各奔逃民心傷流離淵乃大
聲呼叫集逃亡餘殘民曰嗚呼其盡終何裨同爲救吾民君
當全吾尸乃謀民之食乃奠民之居糾全合境上仵待承平

時痛定復思痛痛恨無終期

遣悶

舒慶遠

堯天蕩無際大明慮中區
侵青從南起偏翳斗牛墟
豐蔀見星沫睽孤張鬼車
虐焰肆焚灼妖訛扇兇愚
安得古神劔一出爲掃驅
龍光耿不見瞻望長嗟吁

惜文稿爲盜所焚

舒慶遠

弱冠學爲文手錄數百紙
恒將資講習亦擬示孫子
凶焰及先廬文獻隨以燬
吁嗟聰明耗追憶難再紀
豈是六丁求天教絕凡鄙
吾聞蘇明允五十名始起
文章貴老蒼何必尙多靡
從此頌太平畢乃事摹擬

靖安縣志

卷之十四

藝文

八

狡狐行

舒慶遠

山家鬻獐犬乳犬從皆哺
夜半雞鳴棲有狐來不虞
主人起奔逐帶月荷健鋤
蹤跡搗其穴居然獲三狐
隣家曉相問笑語成懽呼
獲狐固足喜搗穴絕根株
吁嗟此雖絕他穴狐豈無
要知彌盜計備禦乃良圖
不如家家畜獐犬狐自不
侵雞鴨兒

上洞四首

舒慶遠

避地翠嶺西幽居絕蕭爽
行攀薜蘿入坐對琅玕長
石雲晝不收巖瀑夜逾響
願與鹿門公攜家共長往

茅廬日淨掃身安心亦休
夜眼靜蚊蚋午飯供鮭鰈
松下澗

音冷竹間禽語幽，逍遙度長夏。寂寞望清秋，久住人益親。宗族亦時麗，隔嶺沾濁醪。沿山採蔬茹，婦女甘勤儉。兒童解憂慮，焉知患難餘。家居不猶豫，窈窕絕窮壑。崎嶇歷崇邱，白雲可延伫。清泉堪浣愁，松涼健黃犢。山雨鳴蒼鳩，農談有至理。坐語夜忘憂。

示昶兒夜歌詩

舒慶遠

昶兒夜歌詩音韻亦飄爽，山中聞此聲。農夫共稱獎，憶昔高堂居。軒檻涼月敞，諸孫夜誦讀。堂上每歡賞，高堂嗟已燬。音塵絕遺響，一二讀書兒。所冀無天枉，教育或有成。家聲紹前往。

靖安縣志

卷之十四

藝文

九

山中六月聞鶯

舒慶遠

六月聞鶯啼，圓轉如春聲。山中憶春事，悠然百感生。常年二三月，鶯啼最關情。繡谷曉雲散，樟溪宿雨晴。園花紅婀娜，庭樹綠敷榮。良友雜談笑，諸生將送迎。把書臨水坐，倚杖看山行。卮酒奉親樂，詩篇隨意成。更思宦遊地，復憶帝王城。車馬香塵合，樓臺翠霧盈。燕姬玉雪淨，越女綺羅輕。把酒林花動，放船湖水清。時當具慶下，況多賢父兄。文章足好樂，衣食無求營。於茲五十春，幾處聞啼鶯。年年好風景，歷歷眼中明。今春嗟不見，悵望願時平。

明

示諸子詩

況鍾

吾家詩書冑况坊名閥閱奈何遭元季羣盜肆猖獗闔門殞
鋒鏑惟父脫虎穴賴彼黃氏澤鞠養不令絕我生際承明幸
廁春官列雖無經濟才尙守清白節汝曹俱長成經史未明
徹歲月不汝延努力無暫輟聖學苟能窮斯克續前烈非財
不可取勤儉用無竭非言不可道處默無禍孽臨下必簡嚴
事上務和悅持心思敬謹遇事毋滅裂惟能思古道方與獸
禽別國家彰憲典聖言良諄切書此爲庭訓各宜踵先哲

題舒節婦卷

太僕少卿夏尙樸廣永豐人

世道日交喪士夫鮮完節大者一以虧百事似瓦裂皎皎閨

靖安縣志

卷之十四

藝文

十

中姿肝腸厲鏐鐵孀居三十年孤衾照寒月殷勤撫諸孤笄
弁日成列斗粟不敢私亦必鈞庶孽隣火逮其廬反風自熄
滅乃知節婦心上與神明徹珍重白洲銘三復有遺烈重以
孝子辭題詩表貞潔

咏釣亭

應銳

清瀨繞漁磯結茅巉石隩匪因鱸鰕肥甯甘任公老緬彼披
裘翁千載富春好先生嗣祖音益礪礪溪操丰骨本堅遒高
尙非潦倒逸興滿江東紅塵常獨掃當日垂綸意奕禩思懷
抱

由靖安之武甯經黃茅諸嶺

進士舒曰敬南昌人

本支固蔓延家乘亦零落諸宗忻兢爽此義費聯絡少長儼
班行宴會勞酬酢甫別靖安縣更指武甯郭遵途歷榛蕪發
興忘險惡仄徑鬱嵯峨空翠相磨錯微雲帶山腰孤厓縣日
脚境異想仙遊地偏遺禹鑿烟霧隱人聲躋攀防石角驅車
下岩堯信步無住着那堪半嶺外又見諸峯卓延眺亦云竒
徒御慘不樂劇欲慰疲勞何處覓杯酌遙望嶽寄中似有長
生藥予非俗士駕不受山靈卻抗懷尙平遊曾與洪厓約矯
首問鴻蒙拊髀還雀躍塊視此一邱三山何寥廓

朱家嶺

舒日敬

複嶺一何長梯石險如昨推挽進輶軒噓喚動寥廓山無愚

靖安縣志

卷之十四

藝文

十一

公徙壁從太始削翳日紛藤蘿迴風悲絕壑僕夫穿雲來氣
定還貽愕而我偏會心高霞似可酌長嘯走山精諸峯轉寂
寞情具真雙勝志願在五嶽短筇自此始芒鞋故不惡

國朝

清明

舒其琯

攜侶踏青郊羣然逐芳草不知春意盡但見春光好日麗山
增媚風和鳥語巧逸興遄飛揚笑傲傾懷抱相將叩精舍頓
令塵念掃四野良悠哉物華皆足寶日暮薄言歸松風尙浩

浩

舒節母廖松雪吟

直隸
總督

李

紱

臨川
人

平生望古懷嚮往舒文節文雄策萬言節勁死百折近聞詔
書褒女士舒松雪四德本庭訓兩髦實夫特藐孤得雙珠遺
經自解說坐使孟陶奮烏識仇湛烈陰陽孕靈秀日月同昭
揭峩峩南州舒先後兩人傑母節旣升聞蛟龍湧綽楔兒賢
亦里選珪璋儼特達維松四時青維雪萬古潔却憶梓溪梓
歲寒各凜冽

江西甲寅後逋賦再奉恩蠲賦思恭紀 舒 鶚

江城方待澤日馭久乘乾旱魃徧隅見潛蛟隴上眠戍兵猶
在境逋賦已多年夜月哀鴻集秋原牧馬旋催科知有吏續
命慘無田民隱行將達天心却降憐玉綸一道下木鳳片時

靖安縣志

卷之十四

藝文

十二

傳給復情無極蠲租德愈全漢庭稱惠愷南土出顛連望外
恩還渥寰中澤豈偏氛裊消沒盡化日景光延四野謳歌起
史臣取次編

出都門呈座主新城何公

舒亮裘

士貴有本懷鬱然不可掃捫心重徘徊翻爲畢生悼孔門文
學科漢代賢良詔賤子持兩端依違從所好豈知迂鈍姿所
學失樞要意氣爲慨慷追維在年少裘昔方弱冠浮譽時流
噪彈指十六年疎慵成逆料眉慚西子顰步恥邯鄲效徒欲
濫竽廷不擇無鹽貌是年曠典開兄弟歡相告夫子新城來
文星寶輝耀產匪豫章材鏡思彭蠡照固謂及良時試竭壘

箠奏摸索荷同披蟄蟲賞鳴竅掘趨謁臯比微言聆元奧寵
錫過榮名鏤心曷由報南宮秋色佳日近意彌躁北上三千
里落落向周道燕趙殊高歌學語恐不肖悵然念知音莫改
巴人調浮沈敢自問恥及師門誚十月朔風號衣單怯寒峭
矯首雙哀鴻雲路誰爲導寂寞賦歸與豈被妻孥噍閒閒十
畝間書史供吟嘯須也洵小人重煩大賢教請學重自茲未
敢安樵釣

送張邑侯歸姑蘇

舒亮袞

雍州張侯蒞吾靖五年革除里糧弊政恩深雙水今以病
解組士民思慕難忘用述輿論以當口碑

靖安縣志

卷之十四

藝文

十三

靖安蕞爾邑僻在西山陲圖編廿八里賦額一萬餘古稱此
中吏白首忘歸期土瘠民非梗民貧俗易移雖然俗易移法
立弊却隨有正因有羨雜派同斂箕里長易單頭單頭易總
催名革實不革輪充苦莫支供億竭脂膏責償費鞭垂傷哉
不可言相沿弊難除雍州張侯來首訪此陋規太息還太息
嗟咨復嗟咨謂此弊不除民病無已時臣奉 天子命臣當
竭所知養廉懷 聖主恤民分所宜毅然申請革旁撓不爲
疑聞風相激勸鞭扑竟不施犬吠十家靜雞鳴百里熙雙溪
澤滂沛繡谷春崔嵬德至名或損廉吏誠難爲坐看解組去
清風兩袖垂相送五六叟百錢手自齎予心尤感惻豈爲傷

別離直道在斯民孔聖無毀譽里言誌公論敢有阿其私更願後來者視此爲前師

題周嵩長集古新編

舒亮袞

城南有佳士自號草窗子破壁幾圖書孤情只山水長吟復長吟心爲古人死集腋成輕裘琢玉取精髓猶謂有瑕疵相求析其理嗟予乏津梁何從識涯涘新秋夜氣佳清風滌窗几把卷一微諷金聲激脣齒誰能歌白雪君益憐青史踽踽遲高軒卑卑遺下里竒音方在爨奚必逢知己所恃故人心遺然忘譽毀雙溪好明月一洗風塵耳

述祖

舒遂

靖安縣志

卷之十四

藝文

十四

胡馬嘶北風越鳥南枝鳴萬物各有本一氣乃流行吾家七

世祖南宋千人英門第雙峯峻槐堂勢欲京

四世祖號雙峯有雙峯堂記七

世祖號槐堂今其第宅平分兩區後嗣居焉中空永巷起一坊額曰進士第

至今遺舊址封題未

敢更不希旌宅里猶可樹風聲中丞頻問俗列郡進方名小數殊難假大倫尤匪輕敢效張冠系竊作李人纓無妨稱謂共所詫事實并如彼飄空葉窅然失所生惕余霜露念永瞻

谷口瑩

槐堂公墓在本縣大梓都小梓口

棲霞觀

舒遂

道院雜人境里戶共溪山我來尋舊跡詎別是元關念昔精修女雲駟接引還名驅仙侶駕真動姥師顏壤僻世疎曠風

澹練未爛凡材皆自得淑質獨高攀步虛聲杳杳逝水意閒
閒每於霞彩斂低徊松月間

送邑侯何介庵歸成都

舒遂

蜀山多異材上者琴瑟質賢宰抱嘉音單堂鳴藹吉薰風遍
所理炎毒消何疾不合侯門好乃爲爨下黜逝矣凌滄波終
焉彈海室先生志遂初羣族命安恤白髮沐青眸明珠銜宥
密望從枉渚迷神與高帆一鴻翮固難羈鶴書還可必
聖朝需雅歌豈令孤桐逸

過茅竹山

知縣馮渠

茲山亘百里鬱紆如螺旋崔嵬復逼仄攀陟誠可憐輿從皆

靖安縣志

卷之十四

藝文

十五

躑躅足繭不能前呼役策僕夫僕夫涕泗漣小人力盡瘁敢
乞少流連長官聞此語不覺心惻然胡爲乎來此簡書促征
鞭 國家重常平盤查例委員我奉太守命驅車非遊仙言
訖下輿走少息徒御肩或坐大樹下長嘯松風邊或登頑石
頂箕踞聽流泉高視紅塵上冥心如入禪危崖走飛壑噴薄
聲潺湲四山雜還來泱漭奔大川怪石勢嶙峋萬象森雕鐫
五丁運神工難以言語傳嗟我過此山此山何因緣五岳多
名勝一一羅簡編而獨此山景埋沒空雲烟往來稱險道絕
境竟棄捐濡筆作短句記遊不求妍

况太守新祠

錢光祖

雙溪從北來千里流湯湯維明社稷臣勲業滿南疆蘇州假
守日青天赫有光殺吏破鬼膽雷霆震四方賦重如火火奏
減百萬糧才高權貴忌留民詣闕堂詔起復上書流忘悉還
鄉賑荒多善策爲政務鋤強秩滿應遷爵乞復御史昌詔進
加二秩翼冬卒署房吏民失慈母天子號穹蒼無人保我赤
誰爲扶天常錫山來我牧立祠薦蒸嘗豆籩孔嚴潔絲石載
鏗鏘再拜久屏息低徊想忠良作歌勸臣子百代踵遺芳

古意

涂甯先

朔風千里至迢遞起層陰出門野躊躇淒淒感客心長嘶遠
征馬哀鳴空山禽撫時傷物變浩然發長吟紈袴不餓死

用句

靖安縣志

卷之十四

藝文

十六

雞鶩徒相侵蓬蒿守其賤高坐彈鳴琴寄懷在山水雅調刪
哇淫狂歌當日夕萬象森沈沈

秋日遊郊外過上林庵

涂甯先

薄言遊郊外出門隨興足山莊無車馬小船度溪速溪水抱
村幽平疇帶溪曲野花十里香良苗萬頃綠秋風吹我衣褰
裳歷山谷水窮山色新悠然見林麓禪宇蔽其中青翠傍修
竹小憇未移時茶煙起深屋清供出幽齋亦稍行林盞中有
忘機人清言窅幽獨談深不知午夕陽返驅犢勝事各自領
嘉會期再續吾生任優游相與謝羈束

北津橋

知縣

吳貽灃

出郭不數武過憇北津橋溪流激石響亂山齊雲高清風生
古亭空翠霑衣袍豈不憚溽暑欲去轉蕭騷安得千萬間行
子祛煩勞

前題和韻

舒性

水汊夾中流通津橋復橋亭臺出飛鳥羣峯相對高溪風交
危欄微涼生絺袍農氓雜往還騰踏足音騷相逢子產車撫
字歌侯勞

城南石爲梁城北木駕橋橫波偃雌霓水霞四映高日者憇
亭午雲氣坐霑袍上灘聲成風下灘音嗣騷大雅中振作歌
詩忘疲勞

靖安縣志

卷之十四

藝文

十七

釣亭懷古

舒性

溪口春駘蕩探蹟慕幽賞乘流玩轉迴石磴捫蘿上趑步歷
盤折其勢隘於掌俯瞰沙蹟欹陟巔稍平敞于茲垂釣綸懷
古心欽仰有宋南安令丰骨開俊爽推獎李安撫諒恥和戎
黨植節嫩剛介處心尤雋朗蘄春脫簪榮超然謝世網壯仕
行其學老歸全所養其時釣璜孫不作磻溪想東江上下灘
巖瀨儼嗣響安得有山閣突兀倚書幌公建有山閣今失跡名存亭蕪
没千載鞠墟壤先生持竿神香田月色盎

前題

趙家泰

韓臺黯暮雲巖灘秀芳草同然把釣人終始殊懷抱何如渭

濱翁兩世尊師保韻事邈難儔其後有商老卓哉不羈才治
譜家聲紹花縣屢分符功成身退早一亭築河千迥絕塵寰
表持竿拂珊瑚清風六合掃亭今已千年因公長壽考隔岸
山蒼蒼臨溪石皓皓我媿煙波徒來過東江道懷古發幽情
白水空渺漭

授書棲雲寺秋日至館示諸生

舒 衷

去日剛首夏來時及清秋景物亦已變羲御無停留涼風颯
然來黃雲颺西疇春華各秋實棗栗皆堪收君子勵德業念
茲懷百憂芳菲易凋謝歲月空悠悠書劔愧無成神仙復難
求落葉滿空階何以慰綢繆秉燭良可師莫徒事嬉遊

靖安縣志

卷之十四

藝文

十八

馬腦崖

舒日晨

蓬居夜不眠天曉開門視白霧平山落茫茫如海水紅日漸
高騰煙散如波靡遠岫忽飛來巖石浮空起縱目極塵寰吾
廬在何處

遠峯入竒懷杖策騁高志足疲望前途乃在懸崖處俯仰各
千尋到此亦非易再來如可達中道胡能廢努力上峯頭一
覽羣山去

緣藤寺

舒日晨

寺結山之中木出山之外漸覺日光寒猶聞鐘聲大渺然一
洞天白雲常自在山水流不已山鳥落何處峯頭路更深老

僧自來去

山中秋

舒日晨

獨行入空山霜露多寒意不嗟衣裳薄所驚時節異西風振
長林幽響散天地方寸亦寰中境寂心常會登高見飛鴻悠
然懷遠思

擬古

舒夢闌

秋空懸皓月列星爲之稀仰首望微雲滅沒將何依當其從
龍時矯矯乘風飛爲霖非市澤憐爾蒼生饑
忍暑待秋至秋至愁復來蟋蟀鳴階除因之生古苔精魂耽
夜遊靈府參差開中有窈窕人顧我心徘徊

靖安縣志

卷之十四

藝文

十九

送西橋還山讀書

舒夢蘭

朔風凋百木松竹仍蒼然從知學道心不與時令遷舍己而
逐物所性惡能全浩浩無端倪於此求真詮
我行萬物中不與萬物游蕭然顧冥理一笑輕公侯何必學
神仙世外皆滄洲彭殤會同盡但有精神畱
修齊而治平不翅影與形居敬與窮理將相師儒生第須達
時務所志乃有成要知王半山始念非虛聲

廬山步月

涂茂先

秋澄萬籟清更深四山靜皎月出當空側看一丸迴峩峩金
輪峰淡淡籠烟景安得喚顛仙遊戲清涼境名山供蠟屐一

步一追省靜境詩魂通妙悟會心領忽有微風來滿地搖松影

天澤池

舒盛玉

城中闢芳池池環水署後潞洄一鑑開豈獨誇半畝胡爲天澤名雨溢乃成藪我祖雙峯公築室信非偶魚躍可會心光浮滌塵垢潑灑映晚霞波平絕鳴吼開窗揖繡峯繡峯眞我友俯瞰清且漣遠接星之斗忽時現新蟾掬之可在手倚欄悵奚深望煙蹟已久人代幾變更斯塘猶不朽紹庭志雖殷繼述終何有

烏夜啼

舒夢蓮

靖安縣志

卷之十四

藝文

二十

烏夜啼涼月拂簷低旦辭紅蓼岸暮宿白陽堤啞啞抱枝作鬼語四郊多壘難久棲星晫晫風沙沙一郡黔黎避胡虜關河此去恨無家我今慘不樂竟夕助咨嗟南飛繞三匝枯樹何年花烏夜啼聲未已意外日瞳矓冷逼孤燈死

詩

樂府

陳孝婦詞

舒化民

邑城東有陳孝婦熊氏爲奉邑宦家女十八歲歸需童陳思樂兩次割股肉救始療夫孝性篤誠洵足維風砥俗世之爲子婦者不必有其事斷不可無其心也爰仿

樂府短章當作歌謠俟採風者

熊氏宦門女陳族書香婦少小結因緣辛苦持門戶一解十

八賦結褵敬養翁與姑姑病臥牀久醫藥無靈符二解潔齋

拜東厨焚香當暑夜利刃左臂從血肉泔泔下三解和羹姑

疾愈重依十七年姑曰無以報但願汝婦賢四解夫壻愁書

城二豎膏盲寄計窮復何之仰天仍攘臂五解舊創痕已深

新創又疊起詎料甫下咽鏡破釵分矣六解病者夢神言皇

天非不佑我命自短促勞汝辛苦婦七解負土塚未咸撫孤

見頭角已悔儒冠悞還望讀書樂八解鄉鄰具公論孝婦焉

知名我歌樂府詞泠然清風生九解

靖安縣志

卷之十四

藝文

二十一

七言古詩

宋

送張倉移漕廣西

舒邦佐

賓鴻度月叫秋寒天怕炎方雨露乾繡衣使者持玉節先送
春風入蜚蠻嶺南日日望行色湖南百姓爭臥轍兩路行人
界上爭去思來暮歌謳接廣鹽變法是誰謀直至而今病未
瘳嶺上逢人須細問遠方根本是深憂廣吏從來恃天遠北
歸南載無空返埋輪家世本澄清無使老蠶自營繭莫嫌嶺
路去逡巡桂林見說最宜人筍樣山峯羅樣水錦囊收得越
精神直聲會動天顏喜更有元臺作知己諫坡言路著此翁

所謂如尊乃勇爾大蘇文章繼老蘇魏徵勲業付魏謩傳家
况有黃金印行入衣冠盛事圖門下書生知此意戀戀不爲
兒女計黃花時節送君行梅花時節迎歸騎

送孫憲就任除秘監赴召

舒邦佐

閶闔排雲叫玉旒延齡不相白麻收園橋畱住不肯住古來
只說陽道州千載風流正相似難處郊裡能有幾不顧諸郎
尙白丁扁舟夜發浮湘水富貴醜人如蜜甜小兒嗜蜜幾曾
嫌全家先遯無人覺惟有誠齋句裏拈回雁峯前再秋色哀
矜折獄多陰德彈壓湖山處處春楚波不動平如席不論朱
墨細如麻夜判千張燭有花老吏相看驚吐舌如箭中的無

靖安縣志

卷之十四

藝文

二十二

少差世上紛紛幾桃李過却韶華盡紛委老松閱世傲風霜
萬牛推入明光裏蓬萊弱水多逆船人生一到已稱仙重來
況是文章伯豈但舊物王青氈一佛出世從此度紫薇花下
皆平步更有健筆繳詞頭恰似當時在言路六一老仙贊萬
微益公首轉造化機廬陵自有三臺種他日聲名翦樣齊三
十年前韓一識三十年後供吏役朝天好施一丸丹教我春
風生羽翼

蠶婦嘆

舒邦佐

舍南舍北爭斧桑欲老未老蠶滿筐曉切葉縷細且長夜夢
繭簇白間黃繰成萬絲手中香醫得三月眼前瘡有餘更著

輸官忙無衣敢歌卒歲章

王性之得李伯時所作歸去來圖并自書淵明詞刻石

於琢玉坊爲賦長句

釋善權

王郎言語妙天下眉宇清揚聚風雅道山延閣歸有時吐霧
珠綃已無價乃翁勲業誰與儔惠愛宛同陳太邱胡床夜據
興不淺江波漲月明江樓鄴侯牙籤三萬軸玉川五千貯枯
腹掌上雙珠照戶庭人間爽氣侵眉目愛君羲獻來仍昆草
聖眞行事逼眞是家此癖古不少奇書異畫元通神龍眠解
說無聲句時向烟雲一傾吐戲拈秃筆臨冰紈寫出淵明賦
歸去林端飛鳥倦知還陌上征夫識前路因君勒石柴桑里

靖安縣志

卷之十四

藝文

二十三

便覺九原人可起廬山未是長寂寥挽著高風自君始

題柳誠懸雙林寺額

縣令 趙 企

柳公之書今未有五百年來稱妙手誰將遺墨留人間神物
護持應已久雙林僻在縣北隅人跡不到成邱墟每疑蛟龍
臥門戶那知上有誠懸書誠懸去世知幾載神氣稜稜儼如
在題柱昔凌王與鍾勒碑今壓蘇與蔡區區幽谷久沈埋埃
塵不掃生蒼苔大中之字未磨滅尙有遺跡驚風雷我愛先
賢舊題額妙手縱橫出心畫囊中雙璧不敢畱遙封寄與耽
書客前日西江驛使回新詩字字磨瓊瑰翻笑右軍書近俗
白鷺換得徒爲哉

桃源歌

漆高泰

武陵傳說遇神仙再問桃源已杳然元亮去後山水遷津迷
何處訪高賢此源非是避秦羶此處桃花不浪傳山城畫裏
縱盤旋竒峯兀突摩大圓名山橫列鎮前川兩水夾鏡絕塵
牽漁舟夜泊歌扣舷土門空豁綠楊偏中有神臯百頃田晨
興理穢帶月還雞鳴木末犬輕猥黃髮垂髻自年年我來此
地卜居廛依山結構足酣眠幽窈之中曠且平四時遞嬗樂
相緣春輝鶴嶺嵐拖煙雲峯響石草芊芊時雨東來好風連
良苗懷新鷺渚拳巖阿避暑冽寒泉寒泉清可口詩篇柳陰
一曲奏暮蟬山頭牧笛起炊煙金風催桂菊舒妍蟹肥酒熟

靖安縣志

卷之十四

藝文

二十四

慶尊前團圞坐月笑語闐露白葭蒼雁羽翩凍徹梅花雪裏
娟幽香兼憶剡溪船懷芹負日向西櫂俯仰無慚影自全平
陂世態任回旋心苦形役皆自煎別有桃花浪八千朝來且
種火中蓮劉叟芳蹤畱數椽孝友家風著簡編五陵諸子如
問焉僊乎仙乎在樂天

元

望官軍

舒慶遠

盜賊半年猶未已隣境兇頑並緣起殺掠侵陵去復來吾邑
困窮無與比困窮雖極那相從各守封疆保都鄙郡城消息
久不通咫尺西山隔千里幾時傳說官軍來吾民朝夕重延

跂官軍不來將奈何鄰境盜賊無時過今年耕種本鹵莽況
乃天旱傷田禾田禾縱收盜賊取蹂踐狼藉誰人禦盜賊不
來從餓死猶勝全家遭殺擄民間義氣何沖沖急要官軍來
作主古稱若早望雲霓今望官軍甚於雨

黃雲殺賊歌

舒慶遠

黃雲殺賊長眼空輕身捷走如飄風木牛所向盡披靡膽氣
與古驍將同自從賊徒入吾縣黃雲才藝方始見手絡生擒
數百千盜賊見之心膽顫有時跳躑高丈餘渡水如飛足不
濡舉臂能勝百鈞重動手每與諸人殊近者玩賊意閑暇肘
被賊鎗血盈把翻身奪鎗殺數人擒二渠魁牽二馬是時連
靖安縣志

卷之十四

藝文

二十五

破諸賊營隣境聞之咸震驚黃雲不喜亦不矜惟憂諸處賊
未平吁嗟諸處賊擾攘義勇如雲殊絕響吾聞薦賢受上賞
就遣雲爲百夫長

老牧歌

舒慶遠

朝牛上山兮露未晞夕牛下山兮日已微朝朝夕夕兮與牛
同去歸朝巖霏兮眯目夜山雨兮沾衣水草逐兮牛飽吾自
不知其渴與饑吾聞百里奚爵祿不入心飯牛而牛肥復將
千金軀自鬻五羊皮嗟吾老在山中牧那知人間爵與祿五
羊大夫非自鬻終日飯牛徒碌碌

明

龍崗八景歌爲况伯律太守作

侍講 劉球 安福人

龍崗深樹碧攢烟長柯密葉森相連濃色豈爲冰霜遷雲生
鷹島春綿綿條爲霖雨下村田屏風幾疊出山顛翠葉搖動
夕陽邊皎如畫圖空中懸令人醉欲歌詩篇亭亭玉尺凌蒼
天上指浮嵐直欲穿東山石壁潤且堅垂世芳名上可鑄春
來影映苔花鮮古井源源湧出泉波涵空碧境幽元似有蛟
龍水底眠光搖紫燄口垂涎靈妙人莫知其然盤溪時有釣
魚船欸乃一聲花外傳風清兩岼月娟娟樵歌唱和西山前
曾未一遇彈棋仙襍然勝景列幽篇中有人兮稱世賢蘇臺
出守今三年雲林不得長周旋但把幽期付簡篇

靖安縣志

卷之十四

藝文

二十六

陳烈女歌

叅政 鄭文康 崑山人

妾生未識夫君面妾貌夫君猶未見姓名爾汝各相聞妾始
加笄君始弁阿翁讀書官拜郎兒郎從之親筆硯寒燈暑帳
不辭勞飽史醉經將領薦阿翁遷官向南還子父相隨共家
眷淮陰城下驛亭邊誰料姻緣事成變珊瑚枝向掌中折道
路人看泊如靄青天白日愁無光野魅山妖寒欲顛銘旌高
照異鄉魂襦褲空畱慈母線妾家遙隔西江水訃入香闈心
膽戰不知眼底有人家望近黃泉留一箭橫插夫君兩股釵
勇繫蘭房三尺練但求同化穴中土肯作孤棲梁上燕片時
卽了一生身烈烈清風湖海徧回頭却笑長樂老八姓相從

深可賤請看綽楔樹門時收入皇朝貞節傳

前題

女史
朱靖庵

西江有女顏如花雍雍詩禮文獻家一朝許聘舒氏子簪纓
閎閱人爭誇豈知天道不可曉才子青年客途天哀訃俄驚
返故鄉深閨痛恨傷懷抱須臾玉碎珠沈光尊姑震悼親迎
喪英風勇氣塞寰宇青天烈日飛秋霜峩峩高塚埋雙璧白
楊聲慘風蕭索連理枝頭哭杜鵑腸斷年年草空碧貞魂一
去不可攀生芻欲致關山難長歌追悼勵風俗豔妻奔妾殊
羞顏

畱題行署

叅政
王綸

靖安縣志

卷之十四

藝文

二十七

雙溪訴訴何因滔然如對話情真自從夾流分磷磷見盡多
少苦與辛虹橋秋月爛掛銀不照逃亡屋內人繡谷春草綠
鋪茵止堪玩踏迎僊賓山窮有木多斧斤田薄有稅催輸頻
千林萬壑半荒榛孤坊陋市少比隣雙林醫士不醫貧此地
靖安無靖民望風欲訴何由陳等閒難得來宣旬煩吹鄒律
生陽春願驅狼虎容鳳麟驚聞此語輒欠伸請轉頭謾把雙
溪嗔問渠源流通天津還憑汝力滋深涸暫汲一斗活鮒鱗
更持萬斛洗飛塵頓令光景一番新管取今年百喜臻嗚呼
一番新百喜臻挽回須用手如口我情歸寄東海濱鴻恩直
恐負君親臨溪聽訴愧逡巡敢將此意達楓宸甄陶四海舒

洪鈞

遊棲霞觀

知縣 黃 綱

公餘欲得真幽眺不煉丹肩降虎嘯休休倚興出藍輿幾折
清溪沉月照溪隅山色崔巍竒走下一枝畫戟持中有蓬壺
仙仗氣嵯峨紫府更黜黜誰名棲霞揭高匾刀圭煮鼎光孔
閃桃源漫問否和真不老春花鮮錦臉煩暑忽祛清大塊龍
團持獻冠裳屈玉蘭花發送幽香坐久安知斜日邁流湍激
石聽篩金一片霞蒸天一心報道道人門外過好詩相送掛
雞林

國朝

靖安縣志

卷之十四

藝文

二十八

况青天

樂府

檢討 尤

侗 長洲人

况青天善惡簿投姦胥空中仆我亦吏也除其蠹蘇州刺史
稱獨步生乎不識尤文度絡絲卷中曾一顧

藥井行

舒 遂

石甃靈泉玉液美珠峯祖師活人水尋幽劉阮問仙蹤清華
山下東城裏吁嗟此水可活人此水活人方可取君不見轆
轤橫架素綆懸盈盈勿幕禁誰牽豈知妙濟當年後輾轉瘡
痍迄眼前源頭活水須先覓胡爲跼覷井中天

老遇歌簡朱廣文

舒 遂

老年一相見把臂似前期識荆雖恨晚御李敢辭衰先生古

桐自怡愛纏絃太樸希聲載偶向時人一再彈若個心通無
隔礙雙溪野老苦跼促落落孤蹤不諧俗廣文博士耄耄交
日共高歌醉醺醪一尊白髮兩對面世事煙雲盡看遍君不
嗟卑屈壯圖我胡嘆老嫌微賤墾石田葺茅屋守前編存後
錄考亭世業先生續我敢異同象山陸

過佛石庵遇空上人

舒 寄

逐水迴環八深谷谷口嵯峨老樹禿峭壁重重路轉幽獨橋
又架深崖麓數椽茅屋隱雲端遙送鐘聲雜飛瀑小憇還敲
竹下扉白髮垂肩坐尊宿恍疑少室夜深逢炯炯雙眸照幽
獨長笑謂我來何遲百歲無常苦煎逐鈍根擺脫良復難如
靖安縣志

卷之十四

藝文

二十九

夢初醒猶觸鹿倏忽晴嵐漲草廬四座忘言炫心目六月炎
吹氣尙寒始信此中卽天竺雲林數曲望墟煙武陵一往誰
容復青山長伴老僧閒歲歲空餘芳草綠

過渴牛飲水山觀魚

舒 洛

路從山腰出山脊忽見山根水流碧水中徑尺雙鯉魚隨我
溯流影歷歷橫途有石數丈長狀如牛鼻飲川傍我行巖下
清風涼遊魚亦止中潛藏須臾無數魚兒出似迎好友喜相
將吁嗟自得誰如許悠悠荇藻相依倚竟日低徊濠上觀人
在青山魚在水長嘯一聲過石頭遊魚驚潛影不畱但見青
山與流水爲語漁郎何所求

題李青來梅花書屋圖

舒慕芬

夫椒山下幽人宅繞屋梅花樹千百清輝何減玉照堂主人
愛花號花癖案上圖書萬卷堆門外落花三寸白嚼蘂含香
靜讀書不許纖塵到胸膈恍然身世在羅浮花間嘯傲乾坤
窄看取梅花書屋圖先生原是孤山客

石門山讀權文公碑

舒慕芬

石門幽秀甲諸山慙余景仰遲躋攀今方載酒試遊履洞天
福地非人間雲崖鳥道恣幽討落花滿路惟風掃泐潭清徹
水光寒珠峯蒼翠山色好中有古剎名寶峯緇流雲集振禪
宗舍利相傳畱馬祖至今寶塔凌虛空吁嗟師去無還日欲

靖安縣志

卷之十四

藝文

三十

話無生杳難跡獨有豐碑尙可探龍文龜字權公筆誌師顛
末豈荒唐剔蘚細讀皆琳瑯韓陵片石能不朽長與石門山
水增輝光

前題

熊埴

羣峯轟轟紛崱嶭梵宮寂寞蒼烟裏閒來憑眺意何窮漠然
徒見山與水山水無情自古今巋然片石重祗林文章有神
僧有道至今筆底見禪心高僧西去已千載生氣於今儼然
在欲題黃絹識碑陰眼前誰識中郎蔡

贈揚鶴坪鶴野煉師

舒亮袞

天香崖立羣峯巔白雲直與天相連一坪橫踞香崖肩勢如

海燕巢孤懸揚州老鶴來修仙化爲道人常醉眠有時自耕
坪上田朝弄羨門之飛煙夕飲謔嶺之紅泉問師何術能延
年手摘山花一莞然善哉莊子論神全全酒不若全於天嗟
余擾擾百憂煎神仙易學心難堅與師夙有丹砂緣蒲團坐
月春娟娟相視不語如談元無須更注逍遙篇

癸丑下第歸坐東軒書室悼懷先兄 舒亮袞

幾回同走長安道落第從來說春好不圖兄沒我猶存東軒
寂寞生吟草東林夢中猶見兄曼卿已主芙蓉城層巒萬仞
不可測二龍濺沫飛天聲禪房冷落鳴孤雁吟魂黯淡生悲
戀肩隨仍似客長安慈恩七級嬉遊徧酒醒但見香爐雲人
靖安縣志 卷之十四 藝文 三十一

間富貴徒紛紛降生同日不同死玉樓只愛兄能文歸來何
忍東軒坐輾轉羲輪若旋磨百年幾見客歸家燕泥長向東
軒墮淒涼一牕梧葉秋百城老淚生雙眸何年粗了吾兄事
直上廬山最上頭

揚鶴坪 熊銓

沙源之北揚鶴坪窈窕回合山作城人煙雞犬不復接但聞
空林鳥雀聲緣山險徑幾欲斷一轉一溪路縱橫陰風蕭瑟
虎豹嗥白晝擲揄山鬼行誠知途窮被羣侮待以異類何足
驚捫蘿踐石陟其巘倏忽洞達天日明數椽隱隱翠微半道
人扶杖相笑迎一酌香泉消萬感形神欲化耳目清我欲十

年此山不復出日咀松柏啖黃精騎風御氣遊無極凌空舉
手謝諸生吁嗟茲山之靈兮有客有客行戾止鑿奇開勝類
五丁砉然一嘯衆山鳴

章江門晚渡

舒性

雪色洲頭烟霧低波翻兩岸銀沙隄東來西往古城渡閱盡
人情萬馬蹏秋風滕閣雲縹緲半邊落日銜山小幽人愛著
芙蓉裳手掉蘭橈過江杪

登繡谷峯用李太白廬山謠韻

舒性

五丁絕塵表騏然開崇邱平生縱大觀結想常在神仙獨立
縹緲之飛樓神仙窟宅匡廬峯十年夢與匡廬遊我家繡谷

靖安縣志

卷之十四

藝文

三十二

北斗傍巨靈手劈羣分張金枝玉葉芙蓉光揮斥八極排雲

强李詩複
用長字

懸流瀑布裂山梁豁呀豁閑遙相望砮衝萬壑飛

青蒼樵夫牧豎仰脇息指顧東南吳會長先祖昔年白雲間

放眼層霄神往還捫蘿歷石剏傑閣爾時何必非名山

先伯
高祖

管生公構姿天閣與先高祖浣
園公讀書其上今基址猶存

物換星移轉興致屢勃發茫

茫墜緒陟其巔竹芟樹影都蕪沒嗚乎此地泉聲瀲灩如有
情隨風咳唾珠玉成快然遺世而獨立濯纓濯足皆高京繡
谷寫似廬山謠我已汗漫游太清

客雙溪游棲霞觀畱題長句

瞿佚名常州人

插天高峯攢莫邪連山合沓如屏遮陰崖日出照林麓遺構

古觀名棲霞雲衣玉簡貌元帝丹青剝落無光華道人散後
僧留住玉鼎丹空鶴飛去孤燈老屋木魚聲月黑秋墳鬼相
語神仙事跡半荒唐爲訪元都路渺茫幾樹碧桃開復落春
深門外野花香

硯石歌和萸房韻

石在棲雲寺後

涂

令

邑諸生

何年有此飛來山雲根塊磊藏幽灣象形喚作老坑石精華
未發縈苔斑媧皇搏土已太古不曾鍊去將天補遺之此地
卽良田何須耕破白雲隴朝聽謾謾松風響暮看月影琅玕
掃粥鼓鐘魚伴寂寥千年晦跡埋荒草天地終難秘奇質玉
韞生輝土花密得君俊眼一品題淋漓始染生花筆堪笑古

靖安縣志

卷之十四

藝文

三十三

來好奇士一卷匪獨珍如砥幾許爭名重價售對此都難挂
眼底我亦頻年事澗阿清泉白石相摩挲狂來竟欲呼丈拜
老去翻憐被墨磨快讀君詩入雲路長歌縱酒天風度一溪
流水半浮花知有靈威此中住人生何境無通塞金石流傳
資翰墨我和此歌聲激昂林端猶現此霞色

棲霞觀古鐘

帥

煥

奉新人

華車古觀修真家有宋治平更棲霞洪鐘約容一百石浮金
碧玉休相誇鯨魚夜吼達四野宮殿繽紛雨玉花昔聞懿眞
於此鍊元氣誦經朗朗如翻河聞是靈王之甥黨子晉外妹
非傳訛逮至東晉人尚健歲逾五百身冲和飛昇之日越大

魏鄉人遍駭聲喧嘩元君之號天子命勅建琳宇無等差前
明定鼎設道紀有官彥文曾放衙冲元繼此作道會祈雨有
兆賢侯嘉釀金鑄鐵勸善信鐘成鞞鞞驚阿那藉彼大叩乃
大應警人心目周荒遐靈壇松柏排劍戟古殿風雨飛龍蛇
神仙不來事荒渺緱山笙鶴同興嗟

樵者歌

舒日晨

林西樵者不知名負薪間出林外行腰間猶剩賣薪錢施與
乞人度餘生人言樵者自若何耳若不聽行且歌歌聲杳杳
入雲去行到山頭不知處

觀音土詩

并引

舒夢蘭

靖安縣志

卷之十四

藝文

三十四

嘉慶壬戌歲侵民饑相率掘山土和糠覈而糜之過食輟
殺人人猶譽爲觀音土情彌可悲作詩二章貽守十之憂
民食者

謂土可食稼穡可以廢謂土不可食胡爲糞泥而脯塊去年
春稼沒於水秋苗始生復無雨烈日曝秧烟燄起可憐老農
看秧對秧哭日暮荒厨無冷粥

一粒不到肚食土之民色如土昔賢憂民有菜色欲求菜色
安可得老成之民知愛國領賑歸來宣 上德吾儕雖饑莫
嘆息甯不聞劍南隴西與楚北連年憂荒復憂賊

金沙洲觀競渡作

舒夢蘭

吾年十七自塞外還至靖安值乙未端節隨父兄觀
競渡於金沙洲初聞美舟人歌大夫何在語曼聲
感聽隨筆作此

雙溪潺湲自東流羣觀競渡雙龍舟
鐃鼓淵淵棹歌起十八
蘭橈齊拍水中有一人呼大夫汨羅江遠忠魂孤楚王園寢
但荆棘楚人猶弔屈三閭撫長劍神如電薰蕕玉石何從辨
寵時忠愛棄時疎誰能到死心無變大夫今日誠何在大夫
今日誠如在芝蘭作佩芙蓉裳知君志在簪纓外世人皆濁
君獨清世人皆醉君獨醒人誰不死君獨生至今二千四百
歲舟師尚解呼君名

秋屏閣蘸集

舒夢闌

靖安縣志

卷之十四

藝文

三十五

嵐光入坐秋聲起目送殘陽渡江水閣中山色已年年十二
屏開畫闌裏茶烟篆影臨風斜綿津好句皆籠紗洪崖洞口
但雲霧靈運臺前猶雨花鸞崗鵠嶺窺瑤席棟花坪上蘼蕪
碧籃輿小駐蟹泉清弱柳千行森畫戟

秋夜山行卽事

舒夢蘭

秋氣清秋色明蒼山月冷鴟梟鳴霜華滿地村煙平秋風緊
秋欲歸秋風欺我身單衣蹇驢破帽風中走松濤夾道虬龍
飛石古細路多荆棘僕夫困憊驢無力山下忽聞雞犬聲欸
關暫寄茆檐息主人引我宿空房五更被中聞飯香勞人得
飽豈非福晨曦未亮燈無光今宵何敢求安逸隣家尙在牛

衣泣借問鄰家泣何事女歸痛母無衣食

洪水紀災

丁溪

乾隆癸丑靖邑洪水突發土田淹沒殆盡人民受傷
無算因紀其事

赤奮之歲秋七月江星動搖水突發畔岸津崖杳莫知井里
化作黿鼉窟雙溪地僻本山鄉自古水澇未爲殃坊庸郵表
通八蜡安居樂業兆民康今年災異何太劇霖雨翻盆沒阡
陌南河北河兩戒分波濤怒捲蛟涎白沿河廬居衝浪高棟
折榱崩無所逃山豕谷湧翻地軸須臾性命輕鴻毛稻田萬
頃空種植糜爛沙泥鳥不食溺死飢死死亦同少者悲鳴老

靖安縣志

卷之十四

藝文

三十六

悽惻吁嗟平皇天愛物心無私胡爲慘毒有如茲豐穰猶恐
生無賴何況騫崩水漫瀾我欲繪圖獻帝闕帝闕遙遙不得
謁又欲陳情問穹蒼穹蒼高遠路渺茫捫懷坐嘆百端集忍
覩鴻雁遍郊邑會待瀾迴恩波流共慶 唐虞盛世烝民粒

辛卯糶官米紀事

舒星聯

耕九餘三讀王制荒年仍是太平世而今災浸恃常平文移
展轉不及事官紳目擊菜色民捐廉捐穀救饑貧借得祠宇
高廠地升減六錢來多人四方雲集人如蟻祠中豎柵分男
女一人一票糶三升立法亦云善且美那知藐法不遵行刁
徒逞詐滋紛爭強者數票弱無分慈令親見難爲情卽時曉

諭將籌給見籌發米思畫一可憐釋子婦人行依舊無籌空
飲泣停糶又常因雨阻官懸牌示民懸誦十里五里鄉人來
囊橐齊虛情更苦本爲怨咨發官糧苦樂難均怨轉長豈是
賑饑之良策總緣積穀少千倉吁嗟乎安得天公處處皆雨
粟大家拾取歌豐足霎時轉禍翻爲福

五言律詩

唐

寄江滔求孟六遺文

劉脊虛

南望襄陽路思君情轉親偏知漢水廣應與孟家隣在日貪
爲善昨來聞更貧相如有遺草爲一問家人

靖安縣志

卷之十四

藝文

三十七

歸桃源鄉

劉脊虛

道由白雲盡春與青溪長

青溪潭在亘田里與桃源水接

時有落花至遠隨

流水香閒門向山路深柳讀書堂幽映每白日清暉照衣裳

九日龍沙作寄劉大脊虛

孟浩然

襄陽人

龍沙豫章北九日挂帆過風俗因時見湖山發興多客中誰
送酒權裏自成歌歌竟乘流去滔滔任夕波

寶峯寺

觀察使

裴

休

聞喜人

泐潭靈勝地祖榻鎖雲岵浩劫有窮日眞風無墜時歲華空
自老消息更誰却到此驚塵慮功名乃可遺

宋

雙林寺

諫議 洪鈞

幽谷雙林寺荒閒得遠尋銀鈎遺墨在筆諫昔賢深徙倚千
山曉坐愁三日霖枯棋圍黑白聊復廢光陰

春暮

舒邦佐

日月一箭過春光又別人竹孫纔解籜梅子已生仁閱世眞
旋磨看詩老斲輪壯懷因病落孤負百年身

小院

舒邦佐

小院無人到徐徐影轉花池平初鬪蛤柳老半藏鴉矛戟猶
封筍槍旗欲試茶一邱并一壑只此是生涯

感嘆

舒邦佐

靖安縣志

卷之十四

藝文

三十八

豌豆新新綠櫻桃爛熟紅一年春色過大半雨聲中仆野傷
饑殍祈天願歲豐有誰捐白粲相伴減青銅

秀野

舒邦佐

秀野吾曾到名新景亦佳雨移新長竹晴接舊來花轟轟山
圍坐團團樹遶家病中心漫往無計聚搏沙

挽同里余倅光裔二首

舒邦佐

自踏功各地斯心每澹如東南雖數任來往只單車上相逢
知己清時草辟書才寬天命窄輜左換靈輿

仕接湖南北逢人問起居蚤曾師硯席非但託鄉閭夢裏詩
春草毫端賦子虛諸郎圖不朽當共輯遺書

甘仙觀

殿丞
袁 陟

霜露凝空碧松杉斂翠陰泉聲月中冷山色暝來深羈紲非
吾累溪巖有素心驚鴉徒擾擾孤雁唳高林

元

偶成

舒慶遠

高山日已落平地有斜暉牧唱迤相答農耘殊未歸晚餐多
節食露坐欲添衣良夜誰能共親朋恨久違

明

雙林寺

徐東湖

雙林西域寺幽境喜同尋夜雨急還急客愁深又深山寒疑

靖安縣志

卷之十四

藝文

三十九

有雪歲晚漫爲霖不用讒風伯竟期驅積陰

前題

僉事
裴 璉監利人

春半入雙林溪橋紫翠深鳥驚花落影馬度柳移陰鉢洗泉
翻玉禪叅石點金還思清趣好月到是天心

前題

訓導
沈 約高士作
劉沈

古剎傍雲林相傳歲月深林排千樹影山落半池陰火暖茶
翻雪盃香酒斂金老僧殊好客清話滌塵心

雙溪十景

知縣
俞 益

橋通南港路皓月照人清兔影浮秋潔虹光入夜橫停杯懷
雅詠題柱見高情重喜一輪滿還同列宿明

南橋明月

雲生飄繡谷冉冉度林巒入樹成春蔭棲巖護晚寒惟知親
舍念時倚縣樓看隔塢飛揚遠還瞻翠一團

繡谷飛雲

蒼崖留鶴嶺嵐翠隱山肩落日明丹頂晴烟染素翎碧空秋
杳杳幽徑晚冥冥幾度經行處羸驂暫此停

鶴嶺晴嵐

出入龍岡裏蜿蜒獨擅靈千巖松挺秀一徑草含馨雨過凝
青黛雲收列畫屏永壞棲碧地清籟可人聽

龍岡晚翠

春靄仙源迴桃開錦樹齊雲飄依晚洞花落滿晴蹊茅屋村
村見漁舟處處迷避秦人不見渾似武陵溪

桃源春色

浦迴清光遠雲閒水氣涼天垂如染練沙白欲浮霜兩岸明
秋樹中流照晚航渡頭行客滿誰復說甘棠

棠浦秋光

靖安縣志

卷之十四

藝文

四十

翠石畱仙跡元君尚有名龍歸春洞遠鸞下曉臺清石勢如
龕倚苔痕若印平旌陽有仙令曾此學長生

諶母高峯

石室千年舊雲開紫翠環仙人辭洞去樵客看棋還瑶草思
塵外丹砂出頂間天梯臨峻巘雲路待躋攀

曹仙古洞

雪霽雙峯晚瓊花小洞天晴光臨化日瑞色應豐年筆立花
封表屏開泮水連宮閒得佳趣清調入冰絃

雙峯霽雪

棲霞雲徑入丹井舊時泉寒挹瓊漿沁光含玉甃圓汲歸知
過客服食想飛仙羽士操元默心源並潔然

丹井寒泉

讀書雲峯寺

舒有章

進賢人

不知雲外路更有洞中天入座羣峯立當樓一澗懸雨香龍

去鉢僧定鶴歸禪自喜身無繫能諧淨土緣

山居十首 錄六

舒文輝

十載遊應倦山中此卜居避喧依水竹度日樂琴書雲氣涼
侵几藤陰密護廬閒來縱高臥蝶夢自蘧蘧

蕭散衡門下風光自可人林深青藹合徑僻綠苔新花露香
犀管松風爽角巾但知從所好敢謂葛天民

苒苒庭前草東風幾度香世情蒼狗變歲序白駒忙興到且
爲樂時違漫自傷圖南非所羨小適在榆枋

箕踞荒林下掀髯每自評如農還識字似吏更逃名靜裏澄
千慮吟邊度半生風波一任險那得到柴荆

靖安縣志

卷之十四

藝文

四十一

春到千峯雨秋來萬木霜賢愚皆夢鹿窮達總亡羊薄種詩
文草頻燒解脫香箇中能了悟何事問行藏

徑小蒿長滿門幽竹自扃舊交惟綠綺新伴有黃庭衣帶嵐
光潤簾浮野色青坐來長嘯處天地共忘形

况太守故宅

居後兩水交抱余望之有異果公宅也門
有兩石獅子武甯兵亂碎其一尋知爲

徐世溥

公遺物相
戒遽止

草昧功曹邑千山裏舊村應靈推澗抱遺烈庇獅蹲過式尋
碑傳瞻言問子孫郡祠如在眼秋望滿蘋蘩

蘇郡至今
祠享不輟

讀劉脊虛詩二首

徐世溥

常恐山深處精靈妬出羣如君寫孤性遺世弄清芬魑魅應

攀秀谿潭自徹雲誰能使埋沒嘯咏似猶聞
十室綴山山斯人出此間空香惟自悅冷翠著誰攀不作開
元調多因季友刪千年十四首磨滅幾多還

吳城望湖亭同萬茂先作二首

舒一邃

三十初遊處愁人此古亭參差下水鳥遠近欲煙汀樹杪搖
峯翠江流送岸青燕磯何處是天際指孤星

失意動離別嶺雲容易迷輕帆交鳥過倦客狎鷗棲山勢峯
峯落江墟岸岸低湖亭都是淚飄泊此東西

冬初和夏元成遊太平寺

舒一邃

羣峯如不下崔絕欲黏天瘦日防林氣空山自澗泉佛于何

靖安縣志

卷之十四

藝文

四十二

處是身已在其巔緣定無塵事藤間畱古烟

菩提場

舒一邃

更無止足地稽首向菩提盡日得幽徑拭雲行石梯食殘飼
饑鼠簾定下村鷓此意自然了褰裳何事迷

春仲同鄭延祖弟季颺讀書雲峯寺

舒一邃

花酣了無事鳥語並成閒寄此十年所甯殊一日間攤書招
舊魄開牖貼春山指點行藏未冥蒙笑佛頑

書堂庵有感

舒一邃

微雨無人寺閒房起處心野花和晝靜芳草閉門深漸老聞
戎馬看書怨古今何當開混沌生事日相尋

秋初讀書江上草閣送徐義臣晚渡

舒一邃

高閣憑西眺山昏雲欲工鷗尋秋岸雨人渡暮江風滅燭嫌
孤影開軒數落篷知君來往路燈火隔林紅

喜陳于野自燕京歸

舒一邃

園事梅如許北風吹客歸君恩容諫草馬首挾新詩椿煖看
今日竹賢如昔時獨憐經過處戎馬介安危

九日同友岫佳樓分賦

舒春陽

秋色高於此幽懷一快開放天皆入戶獲野上層臺杯內無
蛇影花前有鳳才知君舊日賦名世久相推

雙林晚興二首

舒春和

靖安縣志

卷之十四

藝文

四十三

環畝無長物藤蘿肯自封窻虛雲不礙樹老月爲容世態前
溪水禪心昨夜鐘消沈那可論千古弔高蹤

野梵傳空遠朝暎和翠微乾坤居士席草木道人衣古寺雙
龍伏閒庭一燕飛寤言能自適聊用嘆知希

同陳孟嘗會文後飲月中分賦

舒春和

清談來石上月色隱藤蘿影樹嘗移檻明星不渡河文成聯
劍氣韻到引詩魔睥睨誰同調乾坤一放歌

國朝

登舒管生姿天閣

周二懋

雜念湔除盡山靈應許參鳥隨清磬集石似老僧憇蔬茗全

雲氣圖書半佛龕主人嗜竒癖天削小終南

書事二首

周二懋

一勺潢池水游魚釜底天是農皆佩犢惟士已無田棘事軍
如戲孫盧賊號仙巢林三月燕無處避鷹鷂
何曾經夢想此土亦烽烟投止昔無地偷安今有天披塵理
散帙乞雨墾蕪田莫問平戎事參軍一戒禪

同涂和元先輩過寶峯寺

周二懋

欲話滄桑事今來世外天寺畱唐日月僧守佛山川續鉢重
逢馬殘碑欲問權喜同陶靖節此社可稱蓮

黃茅山

知縣 高克藩

靖安縣志

卷之十四

藝文

四十四

鬱紆登峻嶺突兀上層巒竟與天相接始知霞可餐日紅氣
不暖雪白影猶寒絕頂一登眺曠然天地寬

九日登高

教諭 李日彰

登高重九日秋色恣閒情塔影浮空白溪流徹漢清羣峯低
繡谷萬戶簇花城解却芙蓉怨天風遍處生

黃茅山

縣丞 劉國英

磴道盤千嶂籃輿遶疊巒橘橙紅欲墜松柏秀堪餐木落猿
聲冷山空鳥影寒層層登絕巘俯仰放懷寬

過釣亭

陳以珥

屹立波心裏亭空一釣竿身疑槎上泛山似鏡中盤細雨羣

鷗狎狂風小艇安相逢五百歲不羨子陵灘

桃源

熊明弼

千古桃源杳芳菲此欲齊花隨鹿砦轉路入武陵迷綠樹垂
天幙紅花浣障泥昔賢遺跡渺瞻望聽黃鸝

諶母峯

舒 寄

懸崖插雲表捫石問遺蹤瑶草留丹壑靈書隱碧峯天風不
可控仙馭竟何從欲識浮生夢空山雲外鐘

入暇僧寺

舒 寄

一徑入深谷沿溪薜荔通雲深山夢熟葉落鳥巢空結社招
元亮疏泉待遠公話殘鐘磬寂秋雨響梧桐

靖安縣志

卷之十四

藝文

四十五

贈金山人石庵

舒 庚

何事離鄉井巖棲老此身無錢偏好客有蕨不干人豈是山
多奧還依石作隣白雲繚繞處惆悵未忘親

同家仲至護龍庵茶話

舒 庚

危橋接斷岸扶杖斂荆扉汲水烹香茗裁雲補衲衣疎鐘敲
野韻梵唱息塵機無著天親共清談步月歸

黃龍寺

舒大縉

古寺寒烟裏清幽別有春竹新開鳳尾松老作龍鱗片片雲
迎客雙雙燕近人豈真貪佛日忘却往來頻

春郊散步

舒亮裘

雨過春郊淨烟浮柳岸陰鶯啼何處樹花隱望中林流水悲
生事青山入病吟奚囊應自惜落落費幽尋

訪金石庵

舒亮袞

爲訪幽棲老攀藤到此間一灣溪水靜數樹古松閒本論生
前著名心死後刪只憐未了念親墓在華山

上繡谷峯

周崑

古木重陰合樵蹤一徑通鳥飛青藹外人立翠微中望遠天
如接凌虛勢若空欲尋雲壑去孤興許誰同

白崖山

周崑

勢欲凌霄漢峻嶒未可攀幾曾懷五老卽此擬匡山石嵌千

靖安縣志

卷之十四

藝文

四十六

峯險雲眠萬壑閒何時偕野叟採藥駐頽顏

曹仙洞

舒運珽

古洞畱仙跡羣山左右環琪花開不謝馴鶴去仍還杖履風
雲外乾坤闢闔間籐蘿封古逕翦草欲躋攀

雙峯霽雪

陳梅

積雪晴初霽雙峯玉壘開練光天際落曙色日邊來冰柱遙
相憶瓊山並可猜更疑巖穴處當有嶺南梅

大中丞賈捧

御書心經供奉開先寺和章越湄明府

韻

舒濂

肆覲天顏喜欽承御藻迴 聖人原是佛御史卽如來宗乘

無文字 王心有化裁久知臣似水故遣赴蓬萊

探龍門寺

舒濂

龍門何處是仄徑肆孤蹤穿洞猿窺日披雲鶴唳松橋危妨
著屐寺遠漸聞鐘忽到幽潭側中疑有毒龍

遊龍門寺

舒斯佶

杖策龍門寺深藏別一天世途紛攘攘佛國靜年年山近雲
連屋林虛鳥習禪我心了無物明月映前川

桃源春眺

漆顯畧

猶是桃源塢尋芳一樣同飛花浮澗碧流水漾霞紅氣挹名
山秀書披深柳風二劉何處覓惆悵白雲中

靖安縣志

卷之十四

藝文

四十七

東莊

舒慕芬

爲問農桑勝相看歷歲年踈燈明夜織微雨綠春田雞犬桃
源裏人家櫟社邊遂初曾有賦高躅憶前賢

雨後過雙林寺

涂甯先

古寺塵喧隔空堂暮雨多潭清諸佛影禪誦上人歌芳草青
牛臥高松白鶴過斷虹天外掛流影入巖阿

留別楊子載

涂甯先

知爾能千古江城寂寂居一回臨水別此後幾行書帆影隨
潮去楓林落日餘詩成風籟急流恨滿空虛

庚辰重陽後陪劉立峯師遊縣北郊歸飲學署二更始

散即席拈杜工部遊何氏山林韻

錄五 舒性

古木山城路寒煙水次橋秋痕虛到地朔氣迥橫霄故里霜
筇出親朋蠟屐招相因憑眺望極目寄情遙

谷口經霜葉疎林若綴花微茫樵關徑偶旅壑行蛇跂足遊
難到伸眉望轉賒人烟寒白晝橘柚兩三家

四逕黃畦合孤亭兩面開寒將邨北樹春動嶺南梅日影移
去城陰渡水來坐忘歸屐晚落葉滿蒼苔

歸署勞餐飯盤陳苜蓿香帶來林壑味傾過酒尊涼素性每
疎濶幽攘無盡藏夕陽餘照在滿眼落青蒼

興闌歸未急茲夕竟如何市靜人行少街空月色多與誰同

靖安縣志

卷之十四

藝文

四十八

浩歎隨意發高歌蓉散官城錦秋風日再過

黃龍寺晚步

舒性

低阜林藏寺翁盤夕霽窩清光捫竹石暝影間籐蘿野顧回
環隘山看蘊藉多秋空新得月流盼意如何

飲旭上人精舍

舒性

到此蠲塵慮篝燈夜話長酒開林下甕蔬剪社前薑席空神
仙氣尊浮草木香厭厭不辭醉風露逼人涼

黃龍寺題壁贈原旭禪師

舒生

下邑靈棲薄諸山佛火衰翻然回劫地必有再興時竹翠雲
紉葉松高鶴選枝拄撐畱慧日當與老僧期

望吳憇山

知縣 吳貽澧

北郭了無闕一峯如在城鳴蟬向晚急橫吹入秋清余適來
茲土山非浪得名還期作霖雨日夕濟蒼生

過仰山寺

吳貽澧

不識仰山寺何人爲鑿山烟雲低砌畔竹樹起簷間白薤僧
供膳清秋客敏關我家浮渡裏山徑畧似桐城浮渡疇昔幾追攀

百花亭予旣理其地又更其名曰學圃張石髮光壽堂

皆繫以詩因成此詠

吳貽澧

花徑幾時蕪町畦與昔殊嘉名原偶爾菜味不應無斷塹青
山列高城白月孤閒來話疇昔秋興亦歡娛

靖安縣志

卷之十四

藝文

四十九

山城地已僻不少辭家人管此兩三畝坐對平生親酌酒當
清夜放歌見陽春予媿不能詠鐘聲來比隣

沙河老柳

舒衷

沙港堤邊柳朝朝黃葉飛行人不忍折野艇獨相依水落魚
龍涸枝空鳥雀稀何須怨憔悴容易迓春暉

昭靈祠

舒衷

廟勢俯河干波聲日夜寒湘潭騷客怨角黍里人歡弔古吟
漁父搴芳薦沚蘭臨風惆悵久鴉背夕陽殘

遷之南安教授畱別同寅暨諸學侶

教諭 易統元

一羶何太幸游息到於今媿捧新遷檄翻增遠別心高山青

匪改素月皓仍臨獨擬清風便長期惠德音
廿載雙溪水千篇雪案書耽書曾未厭飲水却畱餘顧我無
他願惟賢爲國儲肯因分去住相望意違初

送一齋師之任南安卽次原韻

舒采棠

廿載文章伯遷喬喜自今嘗因親玉塵得共見冰心水落輕
帆穩霜寒曉日臨嶺梅消息近翹首待佳音

千里南安路勞勞奉簡書纏綿情未已仰止意多餘章貢晴
瀾合參苓藥籠儲遙知橫浦士被化一陽初

游棲雲寺

進士 徐日都奉新人

雞聲山寺午曲徑問樵人日照千峯古風來一院春客如雲

靖安縣志

卷之十四

藝文

五十

態度僧似竹精神硯石飛來舊留題句欲新

寺後有巨石如硯

港口宿劉明也別業

舒驥祥

雙港通巖壑潑洄水口山泉飛龍洞雨村隱石門斑世事驚
奔瀨生涯學閉關此中有真趣我亦暫投閒

秋屏閣卽景

項鵬

傑閣無今古清陰自往還風林留客住雲水伴僧閒怪石生
新竹虛牕見遠山一聲沙雁落秋月滿禪關

畱題古田寺

項鵬

青蘿通曲徑丈室借盤桓雲剪山腰斷泉梳石髮寒鶴饑餐
竹葉僧老臥蒲團夜夜松閒月幽人只獨看

見獵思舊遊

舒夢蘭

十歲能騎馬同人獵玉關白鷹雙翅雪蒼鹿幾重山日暮悲
笳急沙明斷鏃殷單于森萬幕曾此射生還

傳舍題壁

舒夢蘭

忿忿三月莫逆旅易爲春旦夕有來往其如皆路人風塵應
厭客山水不嫌貧明日瀟湘去臨流弔逐臣

旅夜

舒夢蘭

四壁朔風裏羈人念敝廬夜長燈作伴家遠夢爲書雪壓先
生柳門迴長者車遊觀荒著述應媿子雲居

雙林寺

涂茂先

靖安縣志

卷之十四

藝文

五十一

寺額柳誠懸山門歷有年林泉供杖履窻戶鎖雲烟佛古面
含垢僧貧身力田倚欄吟望久枝上送啼鶉

村居

涂茂先

村居無俗韻風景恰當門野碓春雲母芳畦長稻孫入簾山
翠撲穿樹鳥聲喧添得深宵咏松梢月一痕

過迴溪

丁溪

小小迴溪地風光迴不猶三峰天外秀一水屋邊流野店風
花亂山庄烟樹幽夙懷尋勝意信步始來遊

舟過樵舍

丁溪

詰曲江如帶扁舟一葉過秋風歸思急暮雨客情多山色都

平遠湖光自盪摩停橈樵舍下懷古獨吟哦

和陳邑侯遊石門古剎韻

舒星聯

紅塵不到處仙衲闢禪堂寺古垂芳遠官閒覽勝忙清勤身
現佛哦咏筆生香隨喜留佳話權碑共不忘

過新吳軍呈竹莊太守

舒夢蓮

一戰殲羣醜將軍夜跨鞍朔風鳴鼓角殘雪濺衣冠公奏陣
前捷我來壁上觀故鄉多寇壘珍重日加餐

送盧小峩同年之荊州省陳夢湖師

劉先煥

秋風江水利一葉孝廉船志想凌雲壯心知立雪堅送君南
浦地憶我艷陽天無限平生意常憑尺素傳

靖安縣志

卷之十四

藝文

五十二

讀白香先生秋心集題後

劉先煥

萬籟從秋發孤吟寄恨長所傷皆骨月不朽賴文章莫道烟
雲幻能爭日月光試參齊物論疇復論彭殤

鄧舒坑野眺

涂寶書

一徑積葱翠四山圍畫屏響泉疑驟雨怪石訝隕星駐足信
孤僻捫懷殊渺冥家人尙團坐莫漫悵飄零

秋日步棲霞觀

涂寶書

欲領寒泉味來尋古觀幽劉仙不復返何處有丹求風竹珮
聲似淨山鬢影浮茗甌忘坐久眉月挂松楸

明

六言律

畱題行署

明巡撫 郭都賢益陽人

萬疊屏開繡谷雙溪水出芙蓉長統青山屋上子西太古圖
中百里溪迴路轉千家霧壓烟籠何處山頭廷尉不如橋畔
溪翁

五言排律

頌况郡侯德政詩

明蘇州府通判 李孟吉曲江

太祖開皇極龍飛七十年五傳逢聖主萬國仰中天吳郡稱
繁劇黃堂得大賢先皇親命寵玉勅任城專保障東南重經
綸父老傳威同包孝肅德媿范忠宣奏課原居最攀轅恐遽
靖安縣志 卷之十四 藝文 五十三

遷淳風歸渾樸疲俗賴矜全民阜多新屋年豐少穢田湖山
清入畫桑柘綠如烟久忝鵬班末常思燕寢邊識荆今始遂
再拜向階前

上忠夏鄉宿山口店次日過黃茅八疊因誌所歷及所
遇者成排律二十韻 舒亮表

五更催遠道百慮剩閒身草草悲生事勞勞溷俗塵病顏秋
共瘦行色鳥相親僻境人煙少孤村俗尙淳林深峯寂寂石
激水粼粼不寐蟲吟夜關心雀噪晨黃茅盤峻聳白晝走逡
巡曲徑支筇險懸崖躡磴頻秋花仍媚客衰草未成茵尖栗
山童拾圓櫛野老珍俄聞聲太息試與話艱辛黧面采薇子

華顛負戴民避人猶遠迹舍意爲前陳賦稅三分欠饑寒八口貧 國恩誠至渥官政詎非仁其奈追呼急重教水旱因妻孥那可鬻老稚暫爲鄰語罷齊揮淚談深獨愴神高懷思廣厦古誼愧傾困惆悵從茲去前途怯問津

七言律詩

宋

雨後書懷

舒邦佐

策策西風兩鬢秋瘦藤獨倚思悠悠送涼小雨勾牽睡潑面新醅斷送愁涉世已經三折臂浮生空白一分頭流行坎止隨天意且著煙簑上釣舟

靖安縣志

卷之十四

藝文

五十四

于尉以書室新成惠詩次韻

舒邦佐

無數雲山簇眼前又聽風葉響琤然近於此處開三徑準擬歸來受一廛終日看山忘坐臥有時扃戶鎖風煙尋花問柳如乘興且莫輕回訪戴船

送致遠赴耒陽酒官

舒邦佐

雲凍長空晝亦昏誰歟剝啄扣柴門故人言向瀟湘去此別應須歲月論衡嶽五雲瞻勝槩耒陽千載弔詩魂舊遊倘有人柏問爲說扶犁教子孫

桃源山

胡少波

偶來勝地帶林泉已築茆齋二十椽腳喜健時須遍歷心存

衰後更無緣行窩隨處名安樂身世如今學信天老友詩豪
非我敵只應參定自家禪

按宋胡直孺字少汲汲字恐爲汲字之訛

暇僧寺

釋善權

後車攜我過龍門曉日瞳矐掃凍雲水澗泉源初欲合沙汀
鷗鷺舊同羣竒峯未覺三山遠午飯相傳一嶺分石壁題詩
驚俊逸都緣勝却鮑參軍

元

山洞晚眺

舒慶遠

西日未落月生東林塘悠悠殘暑空山風應隨石洞出澗水

靖安縣志

卷之十四

藝文

五十五

直與靈巖通天光窄若巫峽底地勢阻如盤谷中擬於松下
置碁局或可邂逅商山翁

出門小立

舒慶遠

病後情懷久倦行親朋相問出門迎泉流石澗如冰冷風到
松林似雨聲婦女旋紉衣葛細兒童新著履芒輕山中事事
從勤儉祇恐家人鄙吝生

憶悠然屈公

舒慶遠

平時兩地頻通候一月何曾缺數書道路干戈相隔絕郡城
音問總乘疎遙憐宵拆驚詩夢更憶寒扉失隱居陋邑摧殘
最嗟苦先盧灰燼已無餘

憶克正南卿諸友

舒慶遠

清才妙韻憶諸君半載音書已絕聞舉酒遙憐南浦月登城
應望隔江雲志高預擬平淮頌筆弱今無諭蜀文溪上風光
堪痛惜空餘山色晚紛紛

示文旭

舒慶遠

旭子讀書方有緒昶兒兩載亦羣隨今年廢學仍多病何日
安居更得師齋館已隨兇焰毀簡編無復舊塵遺百年文獻
俱灰燼賴爾成人早有知

明

送呂君仲善采史北平

李叔正

靖安縣志

卷之十四

藝文

五十六

八月烏啼海子橋南來使客下青霄雲埋石室丹書在日落
鯨波翠蓋遙麟史未全歸聖代龜文猶得認前朝儒臣載筆
需文獻莫遣回車久寂寥

遊山詩

况鍾

緩步崔嵬萬嶂間輕雲如幙去仍還鳥聲宛轉調清管樹色
菁葱擁碧鬢採藥山人鋤自荷啐經僧子戶常關斜陽催我
摳衣下一派銀濤俯北灣

送况伯律復任蘇州

大學士楊士奇泰和人

還捧天書辭玉陛雙旌五馬去悠悠十年不愧趙清獻七邑
重迎張益州楊柳翠迷湖上寺杏花紅映水邊樓到官正是

劭農日郊郭歌謠擁道周

和楊少師韻贈況伯律

南畿
巡撫

周

忱

吉水
人

受命同承寵渥優江湖歲月嘆悠悠旬宣愧我行千里撫字
勞君鎮一州露冕昨聞趨魏闕朱輪今喜駐江樓重來要比
黃丞相豈獨芳名繼馬周

贈塗達夫赴順慶府任

尚書

邱

濬

瓊山
人

都門曉日聽鶯啼送客南行路欲迷持節遠辭雙闕下旋車
喜過大江西瞿塘浪險停蘭槳劔閣雲深礙馬蹄莫道遐陬
消息少御屏先有姓名題

賞秋次沈司訓韻二首

舒敬

靖安縣志

卷之十四

藝文

五十七

曾喜重陽載酒來柴門半掩待君開那堪老却東籬菊竟使
空餘斗酒杯華髮半零須藥補白衣不至遣詩催掃除還擬
高軒過共泛茱萸取醉回
故園蓂菊待歸來節近黃花取次開何用登臨追往事且將
酪酏付深杯胸中逸興憑詩遣鬢底清霜任老催擬向此時
同一笑還陪杖履陟崔嵬

贈況伯律

舒玠

聖代求賢重舊臣故鄉未許久相親赤心耿耿懷丹詔朱紱
翩翩望紫宸舟渡雙溪千嶂夕水生南浦一江春清時正爾
開言路好把民情仔細陳

畱題行署

巡撫林俊莆田人

結約春還又客先馬鳴小隊出盆田雙峯雲動兩溪雨七井
星回百竈烟政急閭閻思解網月明湖海夢歸船簡書頗亦
酬前志多在長空去鳥邊

前題和韻

副使宗璽建平人

時危計短負憂先渤海無牛廢治田老眼倚欄成遠悵荒城
幾處有新烟迂疎已類孔融癖歸去應尋范蠡船客思不勝
終夜夢杏花春雨釣江邊

前題和韻

知縣萬士賢

雙溪按部及春先節鉞平戎駐野田草木盡沾新雨露江山

靖安縣志

卷之十四

藝文

五十八

俱洗舊塵烟春耕農賣腰間劍晚釣人撐月下船景物昇平
都有象宰官容對菊花邊

林邑侯舉應明詔却謝

舒鑑

株守林邱白髮新治生無術任家貧一簣風雨寒垂釣兩屐
烟雲曉束薪飽食但知蒙帝力躬耕僅可養慈親巖扉翹首
垂仁察莫把簪纓絆野人

贈陳孝子伯宣

巡按屠僑鄞縣人

誰復殷勤問此身綱常何幸有斯人事生思死千年範廬墓
囊經一念眞天地効靈花草瑞君王重孝寵光新曾參蕪路
於今掃江右民風聽轉淳

弔舒孝子棐

知縣 葉 轍

連夕悲風動地來雙峯堂上兩堪哀參天寶樹俄摧折歷歲
萱花竟朽頽淚雨暗隨山雨滴愁雲行共隴雲堆應知慈孝
深恩重相逐相隨入夜臺

悲烈女陳娥

侍講 許 彬

執義捐生最可憐絲蘿虛負此生緣冤禽只願填滄海寡鵠
何心怨斷絃廿載光陰成短夢百年伉儷訾重泉天家綽楔
褒貞烈贏得芳名與世傳

雙林寺

知縣 井一成

絲絲弱柳繫春風學士持歸倚玉驄流水小橋人上下夕陽

靖安縣志

卷之十四

藝文

五十九

疎舫樹西東宦情不出三餐外道味渾消百感中最喜雙溪
峯頂月明明直照老夫衷

黃花努力笑重陽我亦偷閒出上方佳興不隨塵思減苦吟
未覺晚歸忙雲迷秋圃空懷杜望入江樓獨憶王風景莫教
收拾盡他時還擬對羣芳

前題

副使 夏 寅

敲斷晨鐘未啟關偶隨小隊過林間竒松古柏層層樹碧嶂
丹崖面面山未論爲僧有何樂細思遊宦豈如閒膏盲泉石
終難解常到雲窩不肯還

秋晚同熊百兵遊暇僧寺二首

舒文輝

爲愛招提載酒過幽然古剝闕松蘿籬花冒雨半將吐山鳥
逢人時自歌結社無能追惠遠病懷且爲證維摩談空問偈
生平願其奈塵緣未了何
並馬空門訪夙因西風落木稱遊人鐘傳空谷聲偏遠霜染
丹楓色未勻混俗久無人我相結緣今有宰官身熏爐茗盃
堪移日共賞何妨嘯咏頻

遊法藥寺

舒文輝

曾聞卓錫自中唐馬祖初開選佛場樹帶嵐光經歲老泉含
藥氣到今香鐘殘每訝僧同食雨歇偏宜客舉觴坐聽無生
成了悟數聲清磬送斜陽

靖安縣志

卷之十四

藝文

六十

過石嶺憶充甫儀賓怡雲軒

舒日敬

疊障中間一壁懸憑虛遙見萬峯連何人忽奏高山調有客
長吟伐木篇儒服可知林叟怪宰官還許路人傳時遇客有陰識予者
登臨作賦堪誰共極目飛雲思惘然

得舒管生見留之札賦謝兼申別意

徐世溥

出谷驪歌送不違獨憐知己戀將歸更誰夜醉頻投轄賴汝
春寒未典衣久客也防人面薄湍還欲趨鯉頭肥江魚八月最美鯉之

肥者呼爲鯉頭鯉肥則鯿鯿皆垂腹矣

井梧一葉驚心劇忍見千山葉葉飛

贈署篆林一庵大尹

舒一邃

不關春事足生涯坐擁循良屬大家便借高深侔雨露卽容

疎嬾狎烟霞懸魚署冷琴依酒倚馬才多筆有花聞道狄公
能好士門前桃李綠陰遮

望秋

舒一邃

暑餘疎雨在村隣秋色遥遥漸破旬紅白不全花氣碎輕狂
已改柳絲馴蟲吟當戶如無主鳥下窺書欲近人感慨獨今
遲暮者頻年寒煖上衣巾

季秋寶峯道中

舒春和

緇塵抖擻足遨頭河水清漣野色幽秋葉盡從風信下旱雲
猶帶日光浮逢僧卓錫同趺坐作客囊琴幾浪遊自愛名山
多勝事無妨入世問丹邱

靖安縣志

卷之十四

藝文

六十一

國朝

上吳辨可師

師湖廣孝廉署靖安學博

周二懋

登壇誰不拜宗工北斗南衡仰止同籍係青雲家學古歌傳
白雪楚風雄有官如寄裘常敝吾道雖窮酒不空一顧市衢
能長價更從爨下問焦桐

竒荒紀事

周二懋

千錢斗粟雜沙塵一飯王孫勝八珍荒政益疑周禮僞流民
始信鄭圖眞百年父老悲遺孑數月鄉村訝醉人自古西江
稱澤國如今處處泣枯鱗

春日登文仙壇

周二懋

尋春春亦解逢迎柳醉花醒各有情野水遙分芳樹影高雲
不礙眾峯晴詩慚摩詰能兼畫茶做龜蒙欲注經道院午陰
塵不到細敲清磬和鶯聲

上毛明府

舒 彥

風流爲政譜琴聲五袴歡歌惠政清太史文章高閬苑使君
家世本經生隨車甘雨環村足有脚陽春匝地行最是章縫
尤醉德齒牙宏獎有餘情

除夕

舒其瑄

凍雪層層壓短扉沍寒邨更助風威酒凝不辨冰壺冷花落
驚看梅蕊肥守歲終宵燈影聚朝元催曉漏聲微圍爐兒女

靖安縣志

卷之十四

藝文

六十二

頻添炭好頌椒盤試綵衣

暇僧寺

舒其瑄

爲愛名山載酒過欣聯同調入林阿烟籠古樹諸緣靜風送
寒泉逸韻多茶熟數巡僧話久經繙半偈佛云何平生雅慕
眈禪悅便擬披緇住薜蘿

讀書金沙寺

舒維藻

金沙滿路樹蒼蒼中有精廬傍法王梵唄每隨書韻出梅檀
常和墨劑香短檠暫借傳燈火高第仍稱選佛場勤苦僧家
堪作伴請看鐘鼓爲誰忙

宿法藥寺

舒大縉

古寺城東燈影昏風飄夜雨更翻盆誰人載酒來深字獨自
吟詩早閉門竈冷梁鴻窮亦有囊空杜甫詎何言不堪金盡
還頭白身事蹉跎總莫論

龍門懷古

舒調辭

不停遊屐問山靈老寺龍門竹色青泉噴珠簾分白練雲磨
石鏡畫秋屏當年耆舊修蓮社碑刻圓通社姓名此日荒蕪剩佛庭
千古升沈那可論由來勝跡任飄零

元旦

知縣 高克藩

小隊翩翩歷野塘沿門投刺賀春王但知令節隨人賞不管
春風笑我忙士女衣冠新結束山川草木舊文章關情最是

靖安縣志

卷之十四

藝文

六十三

城隍柳自我來思幾度黃

袞繡堂

高克藩

不邱不壑不深林袞繡堂前春可尋虛閣有風筠翠裊曲池
無水柏陰森看雲獨抱卷舒意習射難忘勝負心斗酒雙柑
何處去此間終日有鳴禽

金沙寺晚眺

舒 庚

夕陽西去望平原野色全收祇樹園古渡橋橫歸牧馬荒洲
水漲狎浮鴛幾竿修竹垂村舍百丈高峯對寺門緩步舊隄
春草綠萋萋誰復憶王孫

初冬閒步雙林寺

舒 庚

冬節雖交氣未寒微霜濕草板橋乾扶身幸帶輕藤杖束髮
何妨紫箬冠欲剪繁枝祛眼障乍聞梵韻覺心寬園蔬旋摘
松芹綠尤愛楓林醉葉丹

秋日送章明府歸富陽

舒 庚

此行不但憶吳萼山色年年戀富春謗頌自興惟有笑賢愚
既辨可無嗔帆開章水雲霞遠路入嚴灘猿鶴隣別後只傷
貧病繼秋風瑟瑟正愁人

登繡谷峯絕頂

舒 遂

百里秋光媚一峯凌虛丹碧削芙蓉雙溪帆影通章水石徑
雲頭過楚封家住晴軒遙對宇寺藏幽谷暗聞鐘樵漁此地

靖安縣志

卷之十四

藝文

六十四

嵐烟老何處靈湫有蟄龍

卽事

舒 遂

蘿薜風清處士家悠然隨分足生涯茆簷折角松陰補土壁
懸圖竹影遮曉夢每從林鳥覺孤吟常送夕陽斜蒼苔逕謝
時人跡入座青山共歲華

九日登高次章邑侯韻

舒慕芬

攜來謝眺驚人句同上東山興倍豪落帽未簪新采菊尋詩
猶憶舊題糕許多野興瞻千畝對此秋光感二毛道畔忽逢
田叟語使君也息簿書勞

春耕喜雨

舒 海

四民謾說耕偏苦東作由來欲及時芳草翻犁須犢健斜風
糾笠帶蓑披一年伊始惟驅惰八口從茲可免饑况是蠲租
曾有 詔春臺化雨日遲遲

九月遊太平禪院

應 琨

葉網霜崖古木殘層峯高踞翠爲欄却愁鳥跡攀幽徑雅愛
松濤護戒壇幾點天花禪室靜一櫺山月佛燈寒從今得近
東林伴坐擁茶鐺芋栗盤

遊九仙寺

舒亮袞

山居寂寞想清元緩步逍遙上九僊路入岔時逢鳥引山纔
斷處又雲連象王峯上散朝霧石女墳頭靄宿烟一徑松陰

靖安縣志

卷之十四

藝文

六十五

遮古刹乍聞長嘯欲通禪

春日同宋大靜山遊法藥寺卻賦卽以贈別

抱痾蕭瑟耿如秋芳草懷新結勝遊客有風流誇宋玉僧尤
磊落似湯休茗甌不厭元談久藥井何年舊跡留無那暮雲
催別緒馮川雙水夢悠悠

謁玉隆宮題壁

舒亮袞

秋風扶我入仙都鐵樹生華事有無自是功名同鑄鼎免教
桑梓患巢湖玉壇香動雲皆活滄海塵飛柏未枯
宮前古柏已千數百
歲莫以游帷增幻想果然忠孝卽眞儒

吳憇山懷古

漆顯畧

勢插雲霄倚碧空仙蹤曾此駐吳公雨霏瀑布龍漈噴路入
懸崖鳥道通辟穀幾人真解脫安瀾終古藉併幪驂鸞一去
乘風遠長仰丹霞杳靄中

縣署新建枕繡亭呈邑侯馮公

舒 順

衙署蕭然冷似秋小亭聚飲擅風流絃揮白晝山城靜花滿
青郊樂事稠天澤波光晴欲接繡峯雲氣夜常浮幕中賓從
應多勝未羨元規月下樓

登繡谷峯訪姿天閣遺址

舒 順

白雲深處繡峯秋躡屐登來竟日遊爲仰前賢尋勝蹟不因
仙子問丹邱當年結構留佳話此日漁樵散野謳世事遷移

靖安縣志

卷之十四

藝文

六十六

那可論情殷弔古不勝愁

步棲霞觀訪劉懿眞仙跡

涂甯先

偶遇禪關便款扉袈裟影裏坐忘歸尋仙古寺雲生屨看竹
長林風滿衣寶鬢遠臨春嶂曉金篔遙接暮烟稀法華臺畔
無人到瓊樹三花映翠微

復渡綠灣河

涂甯先

匹馬棲遲復此遊臨涯望斷客心愁擔簷人背孤城去賣酒
船隨夕照流柳意不知征馬苦雁聲猶帶玉門秋此身飄泊
知何益愁見烟花滿石頭

辛卯上巳游靈泉寺

舒采棣

邑諸生

宿雨新晴上巳天山居何處可畱蓮尋僧徑僻林藏寺入座
茶烹竹引泉修禊偶來清淨地流觴空憶永和賢鬢絲禪榻
偏增感強仕於今又四年

訪劉校書遺址

舒采棣

仰止高峯山四圍溯洄香泛落花磯莫因故址嗟淪落一任
流鶯說是非異代空畱榛莽莽伊人宛在柳依依鄉隣何限
新堂構春社年年燕子歸

道源泉詩次李明府韻

涂采先

邑諸生

池開半壁淨無痕共擬泉源比性源觸處靈機常躁躍迎來
靜氣獨存存珠含蚌采通神窟劔淬龍光耀禹門分潤卽今

靖安縣志

卷之十四

藝文

六十七

滋化雨功歸上善自忘言

碧沼爭看碧漲連承流布澤亦天然潛淵預養池中物育德
常占山下泉影動星文時蕩漾香凝藻采自縈旋雙溪定識
文瀾遠坐有清風宓子絃

望湖亭雨霽放舟

舒性

烟波江上雨初停半月春光如未經沙嶼新晴交浪白雁汀
宿草潑流青雲開廬嶽廻蒼莽天際彭湖接窅冥好挂片帆
乘利便夕陽晚晚趁吳舲

登滕王閣

舒性

江天雲影畫圖開南浦西山接眼來九日王郎餘藻思千秋

帝子空樓臺會看蹀躞人重讌誰假飄零酒一杯好倚闌干
商去住風帆無定檻前桅

調任德化畱別山長舒荅原

鄒朝陽

宦囊贈口勝南金重費臯比午夜心繡谷於今四疊曲柴桑
自古無絃琴偷倉聊學搬薑鼠久住翻成害稼霖回首雙溪
溪上月一般亦照九江岑

九日遊鳴鳳庵二首

漆夢璜

踏盡雲山出化城扣扉爲有遠公情巖泉盡日知龍蟄竹徑
無人聽鳳鳴露重珠林秋色老風來碧殿晚烟輕催毫剛有
茱萸酒醉倚空門嘯一聲

靖安縣志

卷之十四

藝文

六十八

獨占桃源最上流山空泉杳道心幽到窗風雨翻三界入洞
乾坤隘九州乘興猶思窮碧落含情未遠卽丹邱尋歸不帶
烟霞氣會有黃花插滿頭

昭靈祠柳芽感賦

舒衷

大地春回物自私梅花過後柳先知未勻新綠慵梳鬢纔露
纖痕淡掃眉薊北河隄冰乍泮江南官道馬頻嘶征袍已舊
無難染三月縈鞭拂帽時

題北蘭寺

項鵬

古寺雲深曲徑通禪關隨喜萬緣空環門水練兼天白隔岸
山花接地紅松蓋晚籠銜嶺月石壇秋拂過江風老僧清淨

渾無事贏得蒲團竹院中

武甯途中作

署簾

劉

甸河南人

接得鄰封一羽馳簡書催迫可容辭借書預解長途悶備米
先防六日饑帶雨秋花欣送客入雲山路最宜詩羊腸歷盡
天開鏡城郭居然畫裏披

登抗峯樓酬周贊府

張兆熊
邑諸生

百尺危樓四面開牕虛無限好峯來近臨山郭朝暉淨遠挹
林巒夕翠堆公瑾醇醪惟我醉元龍高臥定誰才憑欄輸與
哦松客日課吟牋手自裁

薄暮

舒日晨

靖安縣志

卷之十四

藝文

六十九

西牕倒影夕陽斜繡谷雲飛繞屋遮簾掛玉鈎雙月白燈懸
暗室一星華壯心自觸嘶欄馬脫徑誰牽失路車且把元亭
竒字酒飛觴遙醉嶺頭霞

山中讀書

舒日晨

半壁西山面十年崖橫樹色嶺橫天松濤怒捲雲中鶴竹笛
驚啼雨後鵑如此春光留客住不知花發爲誰妍六溪許我
結茆屋簑笠灘頭坐釣船

題德勝同守署壁

舒夢蘭

四望層層起巖壑中間處處執桑麻城頭日暮惟吹角陌上
春歸尚有花紫燕多情巢戍幕黃牛無事入官衙此邦雅有

烟霞興正好聯吟學謝家

諶母高峯

涂茂先

一峰嵒嶂駐仙趺諶母飛昇事有無鍛竈豈留丹尚伏石壇
惟見草平鋪山川借重餘杭姥伴侶應招鮑氏姑欲覓茅龍
尋絕頂既空依傍不妨孤

雙峯霽雪

涂茂先

昨夜飛花忽滿城水壺雪巘爛新晴兩枝玉筍當窻冷一片
銅鈺挂樹明邢尹並肩陪粉席簫鸞攜手在瑤京雙尖雅愛
髯蘇句不讓山陰道上行

夔渝道中卽事

嘉慶壬戌奉檄解川餉作

舒懋官

靖安縣志

卷之十四

藝文

七十

茫茫野草三巴戍莽莽孤城萬疊山徼外風沙沈故壘愁邊
鼓角出雄關已褫釜底游魂冷待洗大河箭血斑深喜

皇威清八表捷書近日慰

龍顏

從來盜賊本 王臣一一飢寒繫聖人但使犁鉏銷白鐵不
須刁斗備黃巾到今笳笳風猶古與察瘡痍氣已新罅隙補
苴非易事文翁千載有經綸

羽檄交從秦楚移塵氛已是十年餘驚濤似海狂鯨遁戰格
連雲去鳥徐社稷殷憂在衣笥將軍上賞佩金魚轉輸百萬
勞 宵旰盡念窮檐汗血儲

紅旗招展白旗韜烏盡須防士氣驕撫寇本來仁者事軍威

不弛太平朝老林撤蔽瑀弓入寒谷熙春凍雪消主將功名如衛霍肯教河上賦逍遙

驛亭花柳帶愁生店舍無烟尙哭聲見說虎狼隨眼盡誰知草木轉心驚假孤吹火高樓踞山鬼貪人白日行寄語司風賢令尹剔奸撫字要持平

劍門西指鬱崔嵬蜀漢更番換劫灰怪底山川生殺氣豈眞膏沃召竒灾高吟李杜詩千首細數英雄酒一杯盛業幾看霄漢上黃昏吹笛使人哀

讀書北津庵卽事

丁溪

叢竹陰濃岸草榮沙洲遙接寺門平萬家烟火圍山郭兩道

靖安縣志

卷之十四

藝文

七十一

谿流繞市城橋畔誰爲題柱客林間同聽讀書聲花香鳥語皆天趣觸處文思疊疊生

重九過古田寺

丁溪

石馬源中兩畔山叢篁密處有禪關三秋地僻遊人少一塢雲深衲子閒野菊自開仍自落林禽時去復時還若非令節尋幽勝誰策枯筇到此間

吳城登望湖亭

丁溪

孤亭突兀倚湖濱有客登臨正暮春放眼關河仍是舊

癸丑曾登

此亭捫懷知遇枉從新

再落副車客遊至吳

風濤彭蠡聞來壯面目匡廬

望不眞却羨白鷗忘去住洲前沙際一閒身

癸未秋杪縣志局呈同年舒萸房明府 丁溪

徵文考獻局纔開賓雁歸時應召來黃卷幾行分校勘青氊
一座忝追陪稗言難信流傳在花縣雖微案牘堆此日編摩
良不易扶輪還仗出羣才

過毓秀禪林畱題於壁

舒星聯

白雲深處一聲鐘敲出雲間第二峯三徑客稀緣峭壁六朝
僧有訝喬松香瓢洞口花風細綠綰山腰竹霧濃人世俗塵
都不到翛然有意叩禪宗

和張紫村明府靖安畱別韻

舒星聯

邑建於今八百年忽來仙令政恬然風追南國甘棠舍化媿

靖安縣志

卷之十四

藝文

七十二

漁陽瑞麥田星月著勞花滿縣仁慈載頌德如淵去思從此
碑徐刻尺素先函意邈綿

奉到 旌表母壽百齡部覆志喜

劉先煥

忽捧 綸音下 鳳樓一時曠遇愧難酬 賜金已沐 君

恩渥 頒額尤沾 聖澤優綽襖生輝垂萬古門楣克耀重
千秋同堂四世稱觥日應笑兒孫半白頭

歸里舟行卽景

劉先煥

歷盡風波渡遠灘布帆無恙一身安三篙春水胸懷濶四面
雲山眼界寬菜麥青黃堪入畫田園作息勝居官人生此境
能消受休向秋風怨苦寒

十二月初七日聞賊竄靖安附近民家搜索殆盡感事

書懷

舒夢蓮

才聞穴社又憑城太息妖氛久未平人盡移居緣避賊官如
傳舍敢談兵田園廢後春無色刁斗飛來夜有聲何物乾坤
開殺運草間狐兔任縱橫

寇來三五繫紅巾半擄倉箱半擄人有竈勿煩虞詡益無衣
都說范丹貧釀成劫運收新鬼翻借刑書制亂民此後欲歸
歸未得故園何日靖煙塵

題羅羅山方伯遺像

舒夢蓮

訾掃妖氛報國恩中途長逝復何年石碑遺愛思羊祜銅

靖安縣志

卷之十四

藝文

七十三

柱威名仗馬援總爲經綸光武庫若論詞賦冠文園丹青莫
狀靈臺妙忍聽荆襄泣暮猿

遙傳 卹典出雲端太息軍中少一韓欲剖丹心扶化日竟
教赤手挽狂瀾南方未定身先死西賊纔聞膽亦寒若使形
圖 紫光閣蟬文貂飾認戎冠

遊法藥寺

舒紹烜

廟貌巍巍邇日新

是年重修落成

到門羅漢笑迎人森嚴法戒禪心

靜浩蕩恩波藥井春廊下有僧通欵洽座間畱客話前因丹
爐已廢何堪問幸得殘碑尙未湮

送春

舒紹烜

春光九十數歸期紫燕呢喃話別離舟過碧波龍躍處途經
芳徑馬嘶時荷錢鑄就池邊贈蒲劍新城雨後麾回報好音
知不遠準教消息問梅枝

龍岡雜咏

涂寶書

絜眷居鄉經一年矣春事又盡經旬驟雨不絕棖觸
詩懷率成雜咏

春陽消盡雨聲中九十光陰悟化工客裏愁心如轉鹿閒來
泥爪類飛鴻梨花竟日長飄雪柳絮和煙怯受風坐對龍岡
瞻麗景一溪流水漾殘紅

捷音計日盼官軍風影傳訛每誤聞不戰豈能稱殺賊失機

靖安縣志

卷之十四

藝文

七十四

何以謝同羣權操自己偏甘廢謗恐難逃總望分塗炭生靈
幽憤積陣前怨氣馬頭雲

鼠穴搬薑技亦精忽傳夜遁去無聲幾疑悔禍天心厭苦恨
流災殺運成民力願同原不約戰功未用轉相爭絕憐銀漢
織雲淨纔入新秋氣更清

瘡痍未復費支持請免依然恐後時顆粒詎能民命補涓涘
也是 國恩施事歸畫二羣沾 澤從此餘三卽繫思倘向
茂陵尋舊稿陳情有疏達 丹墀

積鐵輪蹄喚奈何山橋野店幾經過胸能毋我謀多合事近
從公論易苛四境旌旗嚴隊伍一燈風雨雜悲歌表揚何日

忠貞慰萬鬼含冤尙枕戈

點滴經旬耳倍傾韶華逝水暗心驚楊雄早歲傳文字梅福
中年變姓名壯不如人猶望老死而無述亦虛生模糊晚翠
渾難辨每企鄉賢重品評

五言絕句

宋

宴坐巖

袁 陟

漾楫寄幽澗攀蘿到古巖坐來疎雨定露冷溼征衫

大橫溪

袁 陟

昨日溪橋上潺湲已可聽未知乘片葉歌曲向煙屏

靖安縣志

卷之十四

藝文

七十五

井泉

袁 陟

尺浸未嘗溢神源亦何窈涓流接萬頃究利匪毫杪

石門山

釋善權

茲山甲天下葱翠自開闢石磴空自清峯巒映金碧

繡谷

釋善權

嵯峨繡谷山寂寞此中冷絕境空自竒高標岌相映

明

龍岡八景

錄四

况 鍾

孤峯削不成竒如玉爲尺日出烟霧消亭亭倚空碧

玉尺
凌霄

濟物起巖阿遠憶東山客石壁今何如閒雲護朝夕

東山
石壁

靜唱滄浪歌持竿回流水餘響落前汀聞鷗忽驚起盤溪漁唱

西嶺聞歌聲歸樵晚方過林暝不逢人松風自相和西嶺樵歌

寶峯四首

徐世溥

未到勝曾到新知勝舊知名山如住客留取慕君時
不到寶峯山空爲靖安客借問若遊時君復何所得
覓心不可得覓山何井井試將來到處驗取心中影
處處山相似山山僧亦同游人如解此宴坐歷千峯

國朝

高湖泛舟回署四首

高克藩

隨意上扁舟濃陰浸碧流行行聞鼓吹驚起一羣鷗

靖安縣志

卷之十四

藝文

七十六

峯迴別有路岸曲似無溪疑入武陵道雲深綠樹迷
突兀溪中石零星坡上村短棹經過處兒童爭倚門
下下高高水斜斜整整山未能長避世簑笠看人間

吳憇山

舒遂

貞靜磨古今青蒼新拭洗仙人寂不來寒影空潭底

雨中遣興二首

舒亮袞

無限雨中情相對濛濛色深巷掩門時留連獨吟客
天桃不耐賞柳絮已成泥昨夜青林陌初聞謝豹啼

歸途宿落瓦題壁

舒亮袞

雞犬皆可度胡爲落其瓦從知鐵石心不是成仙者

杞林渡

馮渠

老綠濃於畫扁舟破浪斜輸他雙蛺蝶隨意傍山花

曉發

吳貽灃

曉發千巖裏纔通溪上路回首白雲多禪關不知處

立春後一日對雪

舒衷

昨日送春來春來不知處寒梅開幾多驢背尋花去

雪薄未遮山烟林朝蔚蒼隣村沽酒人簑笠橫塘外

登望湖亭

舒塋

亭望了無際湖平納衆流去江千里外雲樹日悠悠

途中見落花

舒夢蓮

靖安縣志

卷之十四

藝文

七十七

昨日花亂開今日花亂落一夕洗紅妝東風何太惡

昨夜杜鵑開今日杜鵑來一聲歸去樂偏爲我低徊

七言絕句

宋

幽谷亭

縣令楊億

幽谷雙溪去復迴舊吟詩卷得重開分明此意宜收斂珍重

南豐待我來

北津橋

縣令楊方

毛竹山頭烟雨昏北溪橋下水渾渾高陂約水歸田急不管

灘聲入縣門

雙溪亭四首

楊方

堂上官人似野人，村氓相見可相親。
開門坐對前山樹，故是水邊林下身。
對縣誰家數畝園，竹亭茆宇雜花繁。
閒官不可無兼局，通管西南水竹村。
百轉千呼屋外禽，曉牕清寐向纔深。
定知錯戀黃綢被，喚起平生未用心。
書罷翛然意不征，偶開疎牖散餘清。
可人一片幽階草，高下無名各自生。

春日卽事

錄二

舒邦佐

靖安縣志

卷之十四

藝文

七十八

鳴鳩乳燕寂無聲，蜜熟花蜂亦慣營。
睡起卷簾春已晚，竹籬穿筍兩三莖。
穀雨催秧蠶再眠，采桑女伴罷鞦韆。
前村亦少遊人到，牛歇濃陰人餉田。

進賢道中

舒邦佐

遙憐兒女數還期，自秣歸驂趁曉雞。
乾鵲有靈煩送喜，馬蹄今日踏江西。

送墨梅與王性之二首

釋善權

道人筆下有春色，寫出江南雪壓枝。
千里持來煩驛使，暗香不減隴頭時。

眼底春光回隴首雪中疏影落平湖政須送與王摩詰對看
輞川烟雨圖

寶峯寺

林之元

馬祖道場孤塔見唐人文字一碑傳雙峯環寺千峯拱半夜
珠光別有天

元

寄復春二首

舒慶遠

古人謀野方能遠肉食從來乏遠謀肉食今無皆野處誰能
借箸爲前籌

義勇將軍氣岸高武韜文畧捲秋濤幕中誰是賢賓友惟有

靖安縣志

卷之十四

藝文

七十九

山人著白袍

無處借書觀二首

舒慶遠

萬卷甯留片紙完愁來無處借書觀田家惟是農桑集亦向
茆簷著意看

明經自是平生志文史年來意頗勤伯有漢書堪借讀山中
遍問牧牛人

明

咏竹贈况伯律

楊榮

種竹南城地位寬長竿分向畫圖看此君一段冰霜節獨守
姑蘇傲歲寒

咏梅贈况伯律

楊士奇

千紅萬紫發春榮不及梅花玉雪清我憶吳門廉太守一枝
遙寄歲寒情

國朝

義書樓臥病

舒庚

松隣竹友結爲家白露寒泉漬稻花臥病有書供倦眼楞嚴
讀罷注南華

懷古四首

舒庚

宏詞遴作校書郎歸隱桃源孝弟鄉每讀清溪流水句只今
猶憶落花香

劉校書

靖安縣志

卷之十四

藝文

八十

講學曾同朱晦庵當年仕籍著衡參文章自古能華國珍重
遺編作指南舒雙峯

神童才子兩馳聲屢下徵書晉秩榮最駭雲長聯畫句英雄

豈亦慕詩名

李叔正

蘇州太守況青天只剪輕蒲爲作鞭五卷忠貞錄邑乘千秋

尸祝使君賢

况伯律

雙林寺懷古

舒遂

西竺談經地宛然朱薨銀榜想當年白雲不計升沈事飛去
飛來幽谷邊

石門山寶峯院讀權文公碑

舒寄

珠峯選佛收名勝解脫遺文尙足徵堪嘆貞元人物燼祇餘
片石說韓陵

故園次星耦韻

舒 寄

城西別墅舊吾家間課圖書兼品茶不謂滄桑成往事祇餘
清淚濕梅花

登塔

舒 □

層岡一柱五雲浮懸鐸玲瓏四望周並峙文峯資巨鎮

塔在學宮

巽方與文筆峯相對 慈恩應擬共題遊

九日登繡谷峯二首

高克藩

清署悠悠寒氣來重陽欲上最高臺入山應惹黃花笑忙裏

靖安縣志

卷之十四

藝文

八十一

偷閒急往回

夕照欹斜鳥下來雙溪雲樹擁城臺遲遲欸段官衙近帶得
山光滿袖回

雙峯堂懷古

高克藩

一片荒園戶不扃野花開謝宿流螢只今惟有堂前月常照
雙峯未了青

春雨二首

舒亮袞

梅花零落砌苔生鎮日茆簷聽雨聲我欲驅牛事南畝一犁
烟水往來輕

別懷草草柳毵毵繡谷春深綠正酣風雨入簾詩夢覺鷓鴣

聲裏憶江南

雪松吟

廖雪松

霜雪一洗繁華空
寒松心事如英雄
蒼顏不肯逐時改
獨立亭亭耐歲窮

遊北蘭寺

舒慕芬

寺門山色醮江流
曲徑疎籬分外幽
看竹客歸雙屐雨
尋詩人坐一亭秋

綵鸞岡

舒慕芬

綵鸞岡上晚晴開
爲訪仙蹤曳杖來
撥破亂雲尋虎跡
藤花觸手墮蒼苔

靖安縣志

卷之十四

藝文

八十二

頌王邑侯發粟賑饑二首

項方鳴

山城比屋嘆斯饑
蒿目羣黎賦采薇
但藉轉移民食裕
不教兒女淚牽衣

辟穀無方可濟貧
那堪野甌盡生塵
一朝發粟痾瘵切
粒食還安熙皞春

水冷西疇稻未黃
豚蹄曾此祝倉箱
如何庚癸呼偏疾
積貯輸他握算長

青山阻風

應奕

客子終朝怨石尤
青山脚下繫孤舟
洞庭月落湘君去
醉讀離騷倚柁樓

秋冬雜詩二首

雷發

參差砧韻催寒色
去住菱歌亂曉烟
黃葉飄將梧樹月
紫籬笑破菊花天

敲冰戲逐歌兒伴
買酒攜來俠士家
疾靄穿空飄柏子
彤雲剪水雜梅花

橫溪晚眺

應遇

橫溪流水平茫茫
半是漁航半酒航
斜日一竿無剩迹
唼花波裏有鴛鴦

龍門寺記遊二首

馮渠

錫杖峯前駐馬看
雨餘山色碧於藍
相看應擬舒州勝
歲歲

靖安縣志

卷之十四

藝文

八十三

寒雲護碧嵐

瀑布奔騰古殿前
山間流水自年年
此中悟得西來意
舌上何須五色蓮

報本祠四首

孔興浙

祠在北津蘭軒舒
明府暨弟貢生菊
人建以祀其節母
廖雪松太君余既讀
松雪吟併諸名公詩
冊復過祠下感而有作

木落風驚銜恤人
數椽冷護湛歐神
看來獨有猗猗竹
日向春暉自展伸

綽楔巍峩已表閭
更營別業報恩初
祇今竹裏蕭蕭雨
散入

溪流夜不虛

松爲骨節雪爲腸日苦吟思七十霜從此摩挲金石字壁間
應有玉琳琅

偶來小立念勤劬我亦西泠一藐孤罔極縱然恩莫報蒼穹
何處不堪呼

白雲峯

劉鵬

白雲峯上白雲垂雲去雲來總不知回首雲端天尺五白雲
歸去幾多時

入桃源

吳貽灃

雙溪之中千萬山中有溪流灣復灣扁舟一棹不知處惟見

靖安縣志

卷之十四

藝文

八十四

白雲天際閒

天澤池對雪

舒驥祥

每日開門便見山門前池水碧於鬢今朝山水都藏遍人在
冰壺玉樹間

寒夜巡視城廂四首

劉甸

爲嚴宵警輒潛行冷露沾衣月半明剛過葦門畱不進隔牆
猶有讀書聲

機絲軋軋聽微分一線燈光透隙曛小步莫驚雞犬夢幾家
農女夜猶勤

山縣城無百雉寬千家烟火倚磐安丁甯囑與司閭者長吏

仍兼擊柝官

細數更籌怯睡魔
露涼那許畏行多
衙齋消息誰先得
遶地爭敲警夜鑼

雙溪竹枝詞

舒祥雲

城寬如斗四山圍
一道溪流出石磯
陂急灘高清見底
艇舫載得晚杭歸

風俗猶然懷葛民
桃花源裏許通津
生來但解耕桑樂
不識江湖逐末人

春燈賽罷又迎灘
山鬼湘君楚俗多
五日昭靈祠畔路
夕陽聽唱大夫歌

靖安縣志

卷之十四

藝文

八十五

青湖桃李足生涯
更有黃金散菜花
便結茅庵此中住
清華山下好人家

東湖柳枝詞

舒夢蘭

蘇卿堤上白鷗飛
百花洲畔游人歸
青草綠波春灩灩
滿湖烟雨鯽魚肥

湖上人家半竹籬
旗亭新譜餞春詞
花花草草各歡喜
只有垂楊悵別離

白馬祠前一雁過
鯉魚風細滿湖波
蕭蕭楊柳中秋夜
高士橋邊月最多

鏡裏湖光浸畫樓
柳娘腰細不勝秋
徐亭三面都臨水
幾樹

栖鴉一釣舟

况公祠

舒夢蘭

太守祠前面女牆城南猶認况家坊况公老宅在南門外舊名况家巷姑蘇
逸事鄉人道兩字青天萬古香

天澤池

一名衙背塘靖安舒氏始祖居也

舒夢蘭

山廓千家净曉烟午衙無事宰官眠橫塘舊是雙峯宅今有
兒孫種白蓮

立夏閨詞

舒夢蘭

春風眼底即天涯半臂新裁杏子紗簾幙晝長無箇事比隣
相鬪七家茶

靖安縣志

卷之十四

藝文

八十六

七夕閨詞

舒夢蘭

星期三四恰新秋穀版花瓜賀女牛各有私心求喜字蛛絲
偏繞曝衣樓

雙溪踏春詞

涂茂先

四圍山色擁螺青大地春回歲又經難得晴和天氣朗石橋
通處水泠泠

昭靈祠畔柳如絲淡淡烟籠嬾娜枝游女也憐春色好風前
一樣鬪腰肢

一番風信一番花兩岸濃陰映彩霞我愛輿圖如畫裏每當
缺處補人家

花深桃李繞清湖粉白鵝黃認玉壺莫怪春寒太無定滿天
晴雪影模糊

上巳漫興

舒夢蓮

空對春風憶敝廬鵲巢久已被鳩居時敝廬爲賊所踞怪他三月桃

花水留住兵灾未被除

雙峯堂懷古

漆公望

高潔清傳冷宦情豈如花謝夜光螢幸今留得天堂月恆覩
雙峯萬古青

幽谷亭

漆公望

無限幽情百轉迴久傳荒谷謝侯開亭畱萬載雙溪上明月

靖安縣志

卷之十四

藝文

八十七

清風去復來